

Juni 24, 2020

www.awemainta.com

www.facebook.com/awemainta

noticia@awemainta.com

583-1400



AWEMainta

EU CONSIDERING BLOCKING U.S. VISITORS FROM ENTERING DUE TO VIRUS SURGE

ESAKI tabata un “breaking news” di CNN ayera, cu a hala nos atencion, Pasobra Aruba cu tambe ta forma parti di Union Europeo, e medida aki tambe lo ta valido pa Aruba, net awor cu Aruba a anuncia di lo habri frontera cu Merca dia 10 di juli awor.

Paisnan di Union Europeo si ta mas flexibilisa cu nan restriccionan. No por bisa esey di Merca, unda por constata cu tin mas aumento di Covid 19. Pesey Union Europeo ta considerando pa block tur bishitante Mericano pa nan pais. Merca no ta serio den su intencionnan pa baha e cononavirus, dos diplomatico di EU a laga sa.

“E criteria ta cu mas y mas e virus ta sigui circula y ta aumentando,” un diplomatico di EU a laga sa.



Pesey tin voz ta lanta pa no laga bishitantenan Mericano drenta ningun pais miembro di EU.

No decision final no a ser haci ainda, pero ta keda pa cada miembro di Union Europeo dicidi si ta permiti bishitantenan Mericano drenta of no.

New York Times tabata e prome medio cu a raporta riba e posibilidad aki. CNN a pidi State Department su comentario riba e intencion aki, pero no a haya reaccion ainda.

Nos di AWEMainta tambe ta uni nos mes pa sa opinion di Gobierno di Aruba, riba e posibilidad aki. Aruba como parti di Hulanda, unda nos tur tin pasaporte di Union Europeo, tambe lo tin cu blokea bishitantenan Mericano?

Stop Searching for Content!

Find and access content based on *what it is*, not where it is saved



M-Files®

Intelligent Information Management

- System Neutral, Metadata Driven
- Cloud, On-Premises, or Hybrid
- Automated Workflows
- Seamless Integration with Microsoft Office and more



Tel. 583-7072 | info@vcc-int.com | www.vcc-int.com

Francisco Jansen a hoga pabao di Boca Catalina



DIAMARS mainta pa 11:47 Central di Polis a wordo notifica cu un persona masculino lo mester a drenta lama na Boca Catalina pa mas o menos 9:30 y nan no a wak e mas. Di biaha Central di Polis a pone Maritiem Politie na altura, na nan turno a saca e boto di Polis y tambe a lanta e helicopter di Polis pa cuminsa cu e busqueda.

Pa 1:11 di merdia helicopter ta encontra e curpa sin bida di e persona na varios miya pabao di Boca Catalina.

Pa 1:50 dr. Texier ta constata morto di Francisco Jansen, naci na Aruba 10-10-1939 (80 aña).

Slachtofferhulp a presenta p'asina guia e famia den e momentonan aki .

A dura casi 4 ora pa haya e curpa.

Na costa, patruyanan a cuminsa haci investigacion riba e pañanan haya y a bin topa cu un cedula cu ta cuadra cu e number di e persona riba kende e auto staciona den becindario ta registra.

Tabata trata di un Chevrolet Aveo, registra na un apartamento na Paradera y e doño ta Francisco Jansen di 80 aña. Na october awo e lo mester a cumpli 81 aña.

Famianan tabata desconsola n'e sitio, pasobra Francisco Jansen tabata bon. Pero ta sospecha cu na momento cu el a drenta awa, a bira malo y no por a yuda su mes.

Cuerpo Policial y AWEMainta ta manda palabra di condolencia na famia di e fayecido.

Ocho aña pa 4 Colombiano involvi den transporte den 1500 kilo di cocaína

Victor Hilario Andrade Moriano, Juan Andrade Moriano, Antonio Guitierrez y Carlos Alberto Chaverria Castrillon via di video call a haya e sentencia cu Corte a impone riba nan pa importacion di un cantidad basta grandi di droga.

Ta trata di e grupo cu a keda deteni dia 29 di november, 2019 cu un cargamento di 54 bulto cu cocaína cu tabatin un peso total di 1500 kilo. E cuarteto, entre nan dos ruman, tabatin suerte, pasobra enbes di 10 aña, e castigo impone tabata menos.

Pa Corte a keda legalmente proba cu a viola ley di droga riba e fecha ya menciona.

Huez a cuminsa pa splica cu nan Abogado a menciona cu nan a comete e delito bou di presion y menasa. E splicacion aki, Huez a bisa, Corte no ta acepta esaki.

E Magistrado a splica e acusadonan cu no ta kere cu e boeinan pa transporta e 1500 kilo di cocaína. No ta kere cu doñonan di e droga ta bay muestra asina hopi confiansa den personanan cu nan no conoce pa transporta 1500 kilo di cocaína pa nan. Un cargamento cu tin un balor di miyones di dolar.

A muestra riba declaracion di dos di e acusadonan, kendenan na prome instante a declara cu a contracta nan pa haci e transporte.

Despues di ripiente a hala atras riba e declaracion aki y bisa cu nan tambe tabata bou di menasa.

A tene cuenta cu ta trata di un cantidad hopi grandi di droga cu a transporta y droga tin consecuenan negativo pa comunidadnan di mundo.

Personanan bou influencia ta comete delitonan of otronan ta comete delito pa haya placa pa cumpra droga.

Fiscal a pidi un castigo di 10 aña, pero Corte a condena nan na 8 aña di prizon, ya cu ta prome biaha cu nan ta haya nan mes involvi cu husticia aki na Aruba. Nan tin dos siman di tempo pa dicidi si ta apela e decision aki.

Noticia falso ta circula

No tin ningun caso nobo di Covid

AYERA merdia a cuminsa circula informacion cu dos caso nobo di coronavirus a keda constata. Y ta di personanan kendenan recientemente a bin di Hulanda.

Departamento di Salud Publico tambe a tuma nota di un rumor insistente cu ta circulando y laga sa cu no ta cuadra cu berdad.

Como e departamento cu durante e crisis aki a percura pa trece tur informacion alcaso sin sconde nada, comunidad por ta trankilo y sa cu DVG no ta sconde nada.

Pa loke t'e rumor circundo riba posibel 2 caso positivo nobo di Covid 19 cu DVG ta sconde, nos kier declara enfaticamente cu e rumor aki ta completamente falso y ta lamenta cu hasta number y fam di personanan ta wordo menciona.

Algun dia pasa tambe a circula un otro rumor di caso positivo den hospital. Esaki tampoco tabata berdad. Hospital tin su proceduranan interno cu nan ta sigui ora un persona bin di exterior y mester wordo interna den hospital.

Esaki no nifica cu e persona tin Covid 19, e persona ta wordo isola pa descarta tur otro virusnan cu ta existi.

Como un departamento responsabel, comunidad por ta trankilo cu nos ta traha pa cuida salud di henter comunidad.

Cualquier situacion cu por surgi di cual por tin efecto riba salud di nos comunidad, DVG lo duna tur informacion necesario na un manera transparente y responsabel.

Drs. Mervin Wyatt-Ras (AVP):

Aruba mester habri frontera na un manera responsabel

Parlamentario drs. Mervin Wyatt-Ras tabata durante conferencia di prensa di AVP pe a trece padilanti cu enbista cu nos ta den un "soft opening" di nos frontera entre 15 di juni y 1 di juli y cu despues lo yega buelonan di otro paisnan ta esencial cu esaki lo mester sosode na un forma responsabel.

E preocupacion ta no solamente p'e salud di e pasahero sino tambe pa nos propio cuidadanonan cu ta traha na airport y den of rond di turismo. Nos mester ta prepara pa proteha turista y nos propio hendenan.

Por mira un pais manera Canada. E pais aki lo bay midi temperatura di pasaheronan na su diferente entrada. Contrario n'esaki na Aruba ora haci preguntanan n'e Minister e no ta contesta debidamente.

Wyatt-Ras a bolbe haci pregunta den reunion cu ATA y despues e reunion cu AHATA encuanto diferente forma pa garantiza salud di tanto e biahero como e trahador cu ta topa cu e biahero. A contesta cu lo instala un thermal camera na entrada y tambe lo midi temperatura.

Segun Wyatt-Ras e personanan cu ta traha na Migracion y control di paspoort mester ser proteha pa medio di mondkapjes, handschoen y suficiente handsanitizer. Diferente di e trahadornan a demostra nan malconto pasobra Ministernan a bin cana den airport sin embargo no a regla e material priminti n'e personal.

Algo cu Wyatt-Ras ta preocupa p'e y a cuestiona ta tambe t'e posibilidad di haci test di COVID prome cu e pasahero subi avion. Lo usa e "selfreported health declaration form", locual ta keda n'e pasahero di duna e informacion corecto.

Wyatt-Ras a haci pregunta al respecto y a cuestiona esaki. E Parlamentario ta di opinion cu e pasahero por haci un COVID test/un test medico prome cu e biaha. E avionnan por pone esaki como condicion paso si un persona, kende ta COVID positive ta den avion na yegada mester di un trato special separa y esnan cu a sinta rond di dje mester ser poni den cuarentena, cu tur e gastonan y inconvennecianan cu esaki ta trece cu n'e pa pais Aruba y p'e turistanan cu bay den cuarentena.

Nos pais ya caba no tin suficiente medionan financiero. Pesey tanto e aerolinea como Gobierno di Aruba mester yega na un acuerdo p'e test di COVID mester por wordo haci prome cu e pasahero subi avion. Nos interes ta pa proteha nos trahadornan no solamente esnan cu ta traha den Aeropuerto sino esnan cu ta traha pafor di Aeropuerto den hotel, taxi, bus, restaurant, barnan etc. No ta costa nada

pa disuti cu e aerolineanan cu tambe tin interes pa transporta pasahero. Nan tambe kier gana placa y asina kizas por yega na un acuerdo pa garantiza salud di no solamente e pasaheronan sino tambeotronan envolvi. Lo tin un rondleiding y lo bolbe haci e pregunta pa wak ki contesta ta ricibi.



Nos por habri frontera pa garantiza trabou pa nos hendenan, pero nos mester ta safe, pasobra si no nos lo haya nos mes cu otro casonan di COVID 19 dor di cual kizas lo mester bay "lock down" y esey lo ta desastroso pa nos economia, nos trahadornan y tur esnan cu ta carga Aruba.

Nos mester ta hopi conciente di esaki y papia di dje, pasobra n'e momento aki dor cu nos no tin suficiente medionan financiero AZV ta cortando den nos hendenan.

Nos hendenan humilde tin cu duna un eigenbijdrage ora nan bay den exterior pa loke ta trata nan daggeldvergoeding y nan acompañantenan no ta haya di daggeld y ora nan biaha cu nan ser ker pa compa'ne nan mester paga un eigenbijdrage na ticket di 300,- florin.

Ta corta tambe den pashentnan cu ta tuma dialyse. P'e motibonan aki nos no por permiti nos mes cu tin mas gastonan di salubridad ora cu habri nos fronteranan. Wyatt-Ras tin confiansa den e profesionalnan di crisisteam, pero e ta haya cu Gobierno mester delibera over di e test p'asina por garantiza cu na momento nos habri e frontera esaki ta na un forma responsabel.



March April May June



Covid-19

Giant bees

BLM

Saharan dust storm



Julius Koko

Jun 18 at 10:53 AM • 🌐

[Follow](#)

**TUR HENDE KU
KIER BIRA
PROVINSIA DI
HULANDA TUMA
EHEMPL DI
BONEIRU. NI
PISKA BO NO POR
PISKA NA DRECHI
AYA.**

See Translation



Algo cu a resalta ta cu e pueblo di Aruba no ta mucho na haltura di su derechonan fundamental (grondrechten). Tin ta bisa cu ta pasobra e educacion general di nos pueblo ta hopi abou, y pesey tambe por wordo manipula facil dor di iglesianan, dokternan falso y no lubida Gobierno y politiconan entre otro.

+++++

Usando e ley di calamidad via un ministeriele regeling Gobierno a bin cu un hala di medida pa kita parti di derechonan ey p'e situacion di crisis causa pa Covid 19. Y esaki a wordo haci mundialmente. Pero esnan cu a sigi noticia internacional por a lesa cu te hasta Nacionnan Uni a hala atencion di varios pais pa no abusa di esaki. Paisnan no democratico a usa e crisis pa haci nan grip riba e pueblo mas grandi.

+++++

Na Aruba e regla cu bo no por ta den bo cura di cas durante TdQ hopi a wak como un abuso di poder di Gobierno. Y ta bon e Decano Ordo di Abogado a hala atencion di Gobierno, pero hopi lat.

+++++

No ta pornada cu cada tres dia mester verleng e M.R. husto, pasobra e ley a wordo traha pa por haci posibel pa kita derecho di ciudadanon no mas cu 72 ora cu lo por wordo extende. Pero e ley no tabata previsto pa haci tal pa lunas largo. Pero TdQ a wordo impone na hopi pais obligatoriamente pa hopi tempo aunke den algun pais pueblo a subi caya protesta. Ta di menciona cu na Hulanda no a usa TdQ y toch a flatten the curve

+++++

Pesey ta di lamenta cu ainda tin hende cu lo kier sigi cu TdQ cu lo t'esnan cu no sa di nan derechonan fundamental. Te hasta nos Comisario interino di Polis a vocifera su mes den tal direccion como un advertencia.

+++++

Loke pueblo kier sa awor ken ta bay paga e tres cumindanan diario cu e 400 hendenan cu mester wordo sera pa 20 dia lo mester haña den KIA.



CU sumo placer Parlamentario Alan Howell a ricibi e noticia presenta pa Minister Andin Bikker cu pais Aruba lo tuma over dos truck special di Royal Schiphol Group N.V. pa Brandweer.

E mandatario a haya aprobacion di Consejo di Minister pa tuma over dos Airport Crash Tenders den cuadro di e cooperacion cu Aruba Airport Authority N.V. tin cu Royal Schiphol Group N.V. Ta trata aki di trucknan special pa Brandweer por combati candela riba tereno di Aeropuerto y lo contribui na duna asistencia adicional p'e proximo añanan.

Howell ta aplaudi e determinacion di Minister Bikker cu den e temponan dificil den cual mundo henter ta pasando aden a busca solucionnan cu ta financieramente cargabel pa Aruba tog por haya crash trucknan adicional, mientras cu a crea e opcion pa laga haci modificacionan special pa Brandweer por yega na un Service Level Agreement pa mantene e Crash Tenders den condicion optimo.

Finalisando Alan Howell a indica cu e ta spera cu dentro di poco nos por ricibi e trucknan na Aruba y asina fortalece e servicio di Brandweer na Aeropuerto.

Parlamentario Alan Howell

Brandweer lo haya dos crash trucks pa combati candela riba tereno di Aeropuerto



Stichting Casa Cuna Progreso zoekt per direct een

Bestuurslid v/m

Achtergrond

Stichting Casa Cuna Progreso (Casa Cuna) heeft de verantwoordelijkheid voor tijdelijke 24-uurs opvang van kinderen van 0 t/m 6 jaar (in bijzondere gevallen tot 8 jaar), die thuis veelal te maken hebben gehad met traumatische ervaringen, zoals mishandeling, misbruik, verwaarlozing of huiselijk geweld. Ook de ouders van de kinderen worden door Casa Cuna begeleid. Voorts is er bij Casa Cuna de mogelijkheid voor een dagbehandeling. Tot slot, biedt Casa Cuna opvang, zorg en begeleiding aan tienermoeders in het in 2019 geopende Cas Diet Booi.

Casa Cuna wordt geleid door een bestuur bestaande uit maximaal 7 leden waarvan één de voorzitter is. Het bestuur wordt in de uitvoering van zijn taken bijgestaan door het management van Casa Cuna, welke geleid wordt door de directeur.

Profiel

Casa Cuna is voor de functie als bestuurslid specifiek op zoek naar dynamische personen c.q. professionals met een juridische, (bedrijfs)economische, (sociaal)pedagogische en/of medische achtergrond die in het bijzonder hart hebben voor het werk dat door Casa Cuna wordt verricht. Een stevige affiniteit met de sociaal-maatschappelijke zorg strekt hiernaast tot aanbeveling. Voorts acht Casa Cuna voor de vervulling van de functie een aantal algemene kwaliteiten van belang, zijnde o.m.:

- Bestuurlijke c.q. managementervaring in het bedrijfsleven, de publieke sector en/of maatschappelijke organisaties;
- Maatschappelijke betrokkenheid en inzicht in de verhoudingen tussen en de werking van de overheid en het sociaal-maatschappelijk (midden)veld;
- Sterk analytisch vermogen;
- Integer en flexibiliteit bij het streven naar consensus.

Benoemingsprocedure

Bestuursleden worden gekozen door het bestuur en voor een periode van drie jaar benoemd. Herbenoeming is mogelijk.

Omvang benoeming en bezoldiging

In beginsel vergadert het bestuur eenmaal per maand. De functie van bestuurslid is onbezoldigd.

Informatie

Voor meer informatie omtrent de vacature kan contact opgenomen worden met de directeur mevrouw Renate van Dongen via: directie@casacuna.aw.

Kandidaten voor deze vacature worden verzocht hun, met reden omklede, brief en curriculum vitae uiterlijk 13 juli 2020 te richten aan:

Stichting Casa Cuna Progreso
t.a.v. de secretaris mevrouw Gwendy Koopmans
Pos Chiquito 4
P.O. Box 733
ARUBA

e-mail: directie@casacuna.aw

U wordt verwacht op de enveloppe 'persoonlijk en vertrouwelijk' te vermelden. Uw gegevens worden vertrouwelijk behandeld.

Un total di 1955 compania y taxista ya a ricibi nan seyo di pre-check di e Aruba Health and Happiness Code

Oficina di Turismo di Aruba (A.T.A.) cu orguyo a anuncia cu un total di 1955 compania y taxista ya caba a exitosamente completa e registracion y checklist cu ta forma parti di e prome fase di e Aruba Health and Happiness Code (HH Code), pa cual nan ta wordo otorga un seyo colorido, cual t'e seyo di pre-check. A.T.A. conhuntamente cu Departamento di Salud Publico (D.V.G.) a lansa e programa di HH Code cu e meta pa sigura cu protocolnan di higiena y salud ta na un nivel cu nos bishitantenan ta spera ora di bishita un destinacion turistico manera Aruba.

Den transcurso di siman pasa, un total di 352 seyo di pre-check a wordo otorga p'e sectornan di 'Taxi', 'Car Rentals', 'Tour Operators', 'Spa & Salon', 'Casinos' y 'Watersports'. Tur compania y taxista cu a yena e registracion debidamente a ricibi un email confirmando cu nan a completa e prome fase di e programa pa cual nan ta wordo otorga e seyo di pre-check. Ta haci un apelacion na tur compania y taxista cu a registra pa verifica si a ricibi e email aki, mirando cu esaki lo por a bay den 'junk mail'.

Companianan cu ya a ricibi e email di confirmacion por pasa busca nan seyo di pre-check riba diamars of diahuebs na oficina principal di A.T.A. situa pabou di Talk of the Town. Por pasa busca e seyo di pre-check durante oranan di trabou entre 8:30 AM y 12:00 PM of entre 1:00 PM y 4:30 PM. Na momento di busca e seyo di pre-check, mester presenta un copia di e email di confirmacion cu a ricibi y lo mester firma p'asina haya e seyo di pre-check.

A.T.A. ta felicita y gradici tur compania y taxista cu ya a completa e prome fase di e programa cu e meta final pa obtene e seyo di oro.

Ademas, ta urgi tur compania den e sectornan di 'Spa & Salon', 'Casinos' y 'Watersports' cu no a registra ainda pa haci esaki no mas tarda cu 1 di juli.

Pa mas informacion tocante e HH Code y con pa registra por bishita www.arubacovid19.org/ahhc of por manda un email na healthcode@aruba.com.

Continuacion di construccion na Malmok



Departamento di Obra Publico ta informa pueblo di Aruba en general cu awe, 24 di juni 2020, lo continua cu e trabounan di construccion fase 2 di Malmok boardwalk.

Lo construi den e area di peaton, un vloer di concreet sigui pa un vloer di klinker cu kolomnan, ponemento di luz y lo construi un boardwalk na altura di Fisherman's Hut.

Tambe n'e draaikom na altura di Fisherman's Hut lo construi un plateau di trafico cu lo conecta cu e caminda di Malmok.

E trabounan aki lo tin un duracion di 100 dia y lo cera e area di construccion cu hekinan di trafico.

En conexion cu esaki Departamento di Obra Publico ta haci un peticion pa no haci uzo di e area di construccion.

DOW ta pidi tur automobilista, negoshi y otro usuari-onan pa tene cuenta cu e inconveniencia cu e trabounan aki lo por ocasiona, pa cual nos ta pidi nos disculpa.

LOTTO 5 Cuminsando cu 4 florin, bo por gana e suma grandi aki

Afl. 640.000,-

sorteo ta awe nochi 6:45 pm

f
t
i
y

lotto

Minister di Cultura Xiomara Maduro:

COVID 19 a trece cambio den celebracion di Dia di San Juan

Lo bay bek pa un fiesta den sabana na cas hunto cu famia



Minister di Cultura Xiomara Maduro ta informa cu COVID 19 a trece cambio den e celebracion di Dia di San Juan awe diaranzon 24 di juni. E mandatario a enfatisa cu debi cu no por tin aglomeracion di hende no por tin e celebracion den Centro di Bario manera custumbra.

Minister Maduro a bisa cu lo bay bek n'e manera di celebracion di antes, esta un fiesta den sabana na cas hunto cu famia.


Alabes tin un peticion di brandweer pa no cende candela, ya cu esaki ta malo pa nos salud, specialmente awor cu na Aruba tin e situacion di e stof di Sahara.

Shon Wantomba y e Fiesta di San Juan

E dignatario a sigui informa cu Departamento di Cultura (DCA) a prepara un Proyecto Escolar di Dera Gay 2020. E aña aki lo ofrece na tur alumno di e prome klas di scol basico, como ta alumnonan cu a bin di scol preparatorio, e buki titula: *Shon Wantomba y e celebracion di Dia di San Juan*, un buki di storia di e celebracion di Dia di San Juan.

E storia a wordo scirbi pa Edselyn Figaroa y a wordo diseña y ilustra pa sra. Leidys Ledezma.

Ademas tur scol basico lo ricibi un USB cu e contenido di un film cortico di e buki *Shon Wantomba y e celebracion di Dia di San Juan*. E scolnan por haci un presentacion p'e scol completo of cada klas por pase p'e muchanan wak. Departamento di Cultura (DCA) lo entrega e buki y USBnan na tur scol basico. Pa mas informacion por tuma contacto cu señora Marlene Lampe na number di telefon: 582-2185.



Programa Special na Television Fiesta di San Juan 'Dera Gay'

Ministerio di Cultura, UNOCA, Departamento di Cultura y Comision Celebracion di Dianan Nacional hunto cu TeleAruba ta bay presenta un programa di television Fiesta di San Juan 'Dera Gay'. Esaki lo ta un programa en bibo cu lo wordo pasa awe diaranzon dia 24 di juni, di 6 'or di atardi pa 8 'or di anochi na canal 23 y canal 42.

Den e programa aki lo trece dilanti con tabata celebra Dia di San Juan antes den sabana di cas cu famia.

Lo tin presentacion di banda Tipico, Grupo di Baile, Entrevista, Wega pa medio di pregunta cu e televidente lo por participa y gana premio.

Minister di Cultura ta invita pueblo en general, specialmente mayornan pa wak e programa aki hunto cu nan yiunan. Ta importante pa nos muchanan ta bon informa riba e fiesta y tradicion popular di Fiesta San Juan, Dera Gay cu ta un di e celebracionnan mas popular di herencia cultural di Pais Aruba.

Rocco Tjon (MEP):

Parlamento a aproba 750 mil florin pa por brinda pakete di cuminda

CEDE Aruba a entrega un peticion na Gobierno pa haya ayudo financiero p'asina Fundacion pa nos Comunidad por reparti mas pakete di cuminda. E crisis aki ta hopi serio y hopi famia no tin placa ni cuminda.

Ministerraad a dicidi di brinda e ayudo financiero aki y diabierna Parlamento completo a sostene e decision di Gabinete Wever-Croes.

PLAN PA REPARTI PAKETE DI CUMINDA

CEDE Aruba a reuni cu Rode Kruis Aruba, Caritas, HIAS, IOM y UNHCR pa yega na un plan pa loke ta trata yudansa di cuminda. Meta di e plan aki ta pa por reparti e paketenan na un manera eficiente.

Na mes momento ta percura di e forma aki cu recursonan limita ta wordo uza optimal, segun Rocco Tjon, lider di fraccionn di MEP.

Na prome lugar e ayudo ta wordo duna n'esnan cu no a bin na remarke pa FASE. Despues ta duna prioridad n'esnan cu a bin na remarke pa FASE, pero no a ricibi pago ainda. Y tambe esnan vulnerabel den nos comunidad cu no tin manera y tampoco sosten social.



PARTICIPACION IMPORTANTE

En conexcion cu e situation actual di e Virus Covid-19 nos di AWEMainta ta pidi cooperacion di nos clientenan, pa tuma contacto cu nos via nos e-mail nan;

noticia@awemainta.com

toko@awemainta.com.

Sales via sales@awemainta.com.

Of via nos telefoon; 583-1400.

Tambe nos ta pidi cooperacion pa por haci tur pago via Online Banking.

Pago nan por wordo haci via nos cuenta bancario di **CMB # 22982600**.

Danki pa e cooperacion di semper.

FUNDACION PA NOS COMUNIDAD

Fundacion pa nos Comunidad (FPNC) ta yuda miles di famia, y na april 2020 a reparti mas cu 2000 pakete di cuminda. Nan a señala cu e peticion p'e ayudo aki a sigui aumenta.

FPNC ta duna prioridad n'esnan local y hunto cu Directie Volksgezondheid a yega na un pakete di cuminda cu por ta di ayudo pa un famia pa henter un luna.

PA CONCLUI

E crisis actual ta hopi serio. Hopi famia a perde trabou y nan entrada, y ta depende por completo riba sosten financiero atraves di FASE.

Di otro banda masha hopi compania ta depende awor di e areglo cu Gobierno pa loke ta "Loonsubsidie". Pero e seriedad di e crisis actual ta bira mas bisto ora cu e cantidad di esnan cu ta aplica pa pakete di cuminda aumenta.

E number ganadornan di e gran sorteo di rifa di Rotary Club Aruba ta conoci

DIASABRA 20 di juni a tuma lugar e sorteo di e grandioso rifa di Rotary Club Aruba. E benta di rifa a bay hopi mas mihor cu Rotary Club Aruba a spera.

Dor cu e benta di rifa a cuminsa desde januari caba. Y por a mira miembronan di Rotary Club Aruba durante paradanan di Carnaval promoviendo esaki grandemente.

Nos tin cu remarca cu dos di e premionan a wordo gana p'esanan cu e cumpra rifa n'e paradanan di Carnaval. E iniciativa aki a resulta hopi positivo p'e benta. Den presencia di Notario a saca e numbernan ganador, cual ta lo siguiente:

Premio 1: 2020 Kia Seltos SUV - #4327

Premio 2: Voucher di Maduro Travel - #7472

Premio 3: 2 Tickets Aruba-Amsterdam-Aruba cu KLM - valido pa 1 aña - #6885

Premio 4: TCL 65" Smart TV di AMC Unicon - #13315

Premio 5: Apple iPhone 11, 64GB unlocked di Boolchand's - #3483

Premio 6: Afl. 1.500,- Gift Certificate di Kooyman - #5978

Premio 7: Afl. 2.500,- Cannondale mountain bike di FX Sports - #10225

Premio 8: Afl. 1.500,- Gift Certificate di Boolchand's - #10765

Premio 9: Afl. 1.000,- Gift Certificate di Ling&Sons - #2121

Premio 10: Weekend stay 2 dia pa 2 persona na Divi Resorts Aruba - #1004

Premio 11: TCL Inverter Airco 12000BTU di AMC Unicon - #7949

Premio 12: Afl. 750,- Gift Certificate di Pearl Gems - #5510



Masha pabien na tur ganador cu den e siguiente dianan lo wordo aserca dor di un miembro di Rotary Club Aruba pa por entrega e premionan. Y hopi danki na tur esnan cu a aporta na nos rifa. Nos ta conta cu bo(so) contribucion atrobe otro aña, asina President América Barrios a comenta.


Tur fondo recauda lo bay bek na comunidad. Den e siman nan cu ta bin Rotary Club Aruba lo haci entrega di donacion n'e fundacion nan den nos comunidad. Danki un biaha mas na tur esnan cu a contribui pa hasi esaki posibel.

Conserva
nos tradicion
y nos cultura

Feliz dia di San Juan



Bishita di Jellyfish den nos lama



DESPUES di un tempo largo di segura y hopi calor, porfin nos por a disfruta recien di poco awacero. E tempo no tur dia ta mes-cos mas y tin dia biento ta cambia. Esaki ta haci cu e coriente den lama tambe ta varia cu e consecuencia cu nos por haya bishita di animalnan inusual den lama.

Directie Natuur en Milieu (DNM) a haya un notificacion cu tin varios persona y mucha cu a bira victima di un encuentro menos placentero cu Jellyfish/Kwal.

A pesar cu ningun sorto di Jellyfish/Kwal ta protegi pa ley, nan ta actualmente presente den nos awa territorial y ta yega hopi cerca di canto na nos playanan en particular.

Loke nos ta experiencia no ta nada mas cu e temporada cu Jellyfish ta abundante. Esaki ta nan temporada. E ciclo di bida di e Jellyfish ta hopi peculiar.

E ta aparenta di ta un animal y ora e caba di reproducir y laga su webonan atras, esakinan ta cay den e tera y ta crece den forma di un polyp cu ta parece un mata di lama. Esaki na su turno ta laga varios parti los, cual un biaha mas ta bira un Jellyfish. Tin hopi sorto di Jellyfish/Kwal. Tin especie ta peligroso y otro no.

Como cu esaki ta casi transparente bou di awa, nos no ta not'e na tempo y por yega demasiado cerca cu consecuencia cu e ta defende su mes. Esaki ta pasa pa medio di su tentakelnan, cu ora nan yega den contacto cu bo cuero, e ta hinca'bo cu miles di micro-hangue cu ta contene veneno. E por causa hopi daño na nos curpa.

Depende di e sorto/especie di Jellyfish/Kwal, esaki por tin consecuencianan fatal. P'esey nos ta pidi un y tur pa ta mas cauteloso den e dianan aki y pa tene cuenta cu ora nos kier disfruta di un dushi dia na lama, nos por tin encuentro cu e especienan aki.

Si en caso bo sinti algo straño y of bo cuero cuminsa kima/irita y/of bira cora, sali for di lama mas liher posibel pa evita mas encuentro. Si ta necesario acudi na hospital pa haya tratamento medico.

Liña di telefon pa 60+

280-0505

GRATIS

8 OR DI MANTA - 8 OR DI ANOCHI

BAN COMBERSA Y NO PREOCUPA

www.freepik.com

Despues di 3 aña den su funcion
**Canan Babayigit
 ta bolbe Hulanda,
 unda e tin un reto
 nobo ta warde**



Canan Babayigit a informa nos di AWE-Mainta di su pronto partida. Na jüni 2017 el a cuminsá como Oficier den Staf di Comunicacion di Comandante di Forsanan Naval den Region Caribe. Den su papel como vocero di Defensa den Region Caribe durante e último añanan, segun su bon consenshi y cu honor, semper e kier a mantené mas mihor contacto cu ta posibel na altura di e trabou cu nan miembronan di personal (militar y civil) ta hasi den e region.

Pero, tin un tempu pa yega y tin un tempu pa bay. Canan Babayigit su tempo pa bay a yega awor.

Despues di un duracion regular di funcion di tres aña, na jüli benidero e ta cuminsá cu un reto nobo na Hulanda.

Esun cu ta bay remplas'e ta yega den augùstùs, y ta su colega di Comunicacion Teniente LTZ 2 OC Stefan de Haan.

Entretanto e funcion ta keda realisá pa 1^e Teniente Dion Bremmer. Nos di AWEMainta kier bisa Canan Babayigit masha danki p'e colaboracion placentero durante e añanan tras di lomba p'e confiansa cu nos tabatin cu otro. Sperando cu nos lo mira otro atrobe y te despues.

Por entrega e verzamelloonstaat y verzamelstaat opgaaf derden di aña 2019 solamente via "BO impuesto"

E fecha final ta 31 di juli 2020

DIA 31 di juli 2020 t'e fecha final pa dunador di trabao entrega e lista colectivo di salario (verzammeloonstaat of "VZL") y e lista colectivo di pago na tercera persona (verzamelstaat opgaaf derden of "VOD") di aña 2019.

Entregamento di e listanan aki lo no ta posibel den forma di papel of USB stick mas. Awor solamente por entrega esakinan den forma digital via e portal online "BO impuesto". E lista colectivo di pago na tercera persona (VOD) ya ta disponibel den "BO impuesto".

E lista colectivo di salario tambe lo ta disponibel na comienso di juli proximo.

Keda sin entrega e listanan menciona por resulta den un cobranza adicional (naheffingsaanslag) y un boet.

Un apelacion ta bay na tur dunador di trabao cu ainda mester cumpli cu entregamento di e documentonan di aña 2019, pa no sigui pospone esaki. E boet pa incumplimento ta maximo Afl. 10.000 y esaki no ta necesario si cumpli cu e entregamento na tempo, segun Gerencia di Departamento di Impuesto



Ecotech Aruba NV has the following job opportunity for:

Head Dispatcher

If you are ready for a challenge and you meet the following requirements you are invited to send us your application and resume.

Function:

Responsible for planning and timely execution of service.

Required skills/ Responsibilities:

- Responsible for an efficient schedule and timely delivery service.
- Responsible for customer relations and satisfaction.
- Responsible for good organizational and communication skills, in order to ensure smooth running operations within the departments
- HBO level in logistic or equivalent combination that would provide the required knowledge and abilities.
- Minimum 3 years of experience in a similar position.
- Team player, must be inspiring and motivating.
- Flexible in working schedule
- Must have own transportation
- Strong leadership skills.

We offer you:

- An excellent position in a market leading company
- Good benefits in accordance with the importance of this position

You can address your resume (CV) with copies of certificates / diploma's before June 30, 2020 to:

Ecotech Aruba NV , Parkietenbos 53-A
 Attn. Jeanine Lampe
jeanine.lampe@ecotechaw
 Telephone 297-5236610

Lo bin cu dos propuesta di ley pa atende cu e pandemia den e realidad nobo

E dos propuestanan di ley ta pa atende cu e pandemia, pasobra ta considera e pandemia como un calamidad. Mirando cu ta bayendo den un normal nobo y special si mira cu diferente frontera ta preparando pa habri p'e realidad nobo, mester tin leynan adicional.

Minister di Husticia mr. Andin Bikker durante conferencia di prensa dialuna ultimo a anuncia dos diferente ley y un di e leynan ta bay banda di e calamiteitenverordening pa bin cu instrumento huridico pa mantene orden publico y diferente otro reglamentacion pa enfrenta e realidad nobo.

E di dos ley ta pa mantene orden publico y na Hulanda e ley aki ta na vigor caba.

E ley aki tin instrumento huridico cu por prohibi personanan cu tin pasado hudicial pa bay na cierto area. Den e realidad nobo por a ripara cu tin diferente persona cu tin incertidumbre pa loke ta trata nan situacion laboral y esaki por tin efecto riba comportacion di personanan den comunidad pa loke ta leynan penal.

Na mesun momento Minister Bikker a gradici tur departamento cu ta cay bou Ministerio di Husticia cu ta haciendo un tremendo trabou pa mantene orden publico y cu hopi reto. Tambe e mandatario a pidi cooperacion di comunidad cu e situacion sin precedente cu ta enfrentando. Un di e leynan a ser trata den Consejo di Minister y e otro ta pendiente.

Minister di Husticia mr. Andin Bikker

Ley pa castigo maximo cu no a haya atencion di Gobierno anterior awor si ta bay haya atencion

TIN leynan pendiente na Parlamento y e siman aki Minister di Husticia ta mandando e 'nota naar aanleiding van het verslag' cu t'e ultimo documento cu falta pa trata e ley pa aumenta castigonan maximo pa crimen cu ta tacha integridad di menornan.

Entre otro lo bay ehecuta recomendacion di Parlamento di comision special cu desde 2010 tabata pendiente.

Esaki ta recomendacionnan cu no a haya atencion bou di Gabinete anterior y cu den e ley aki si ta bay haya tur atencion.

Minister Bikker ta spera cu pronto Parlamento lo por atende y trata e ley aki p'e bira realidad.

Tempo cu Minister Bikker a bay Merca na september aña pasa State Department a mostra Minister Bikker riba esaki y te awor no por compronde dicon Gobierno



anterior a tene e ley riba e castigo di e crimennan aki hopi abou di 2012 pa 2014 bin ariba.

E mandatario a haya un vergelijkingstabel compara cu e castigonan na Corsou, Sint Maarten y Hulanda. Minister Bikker a bisa di a hisa e castigonan na nivel di Reino y awor ta bay ahusta esaki pa medio di e proyecto di ley aki.

Ainda por corda cu na luna di juni a introduci un meldplicht caminda personanan manera dokter of maestro nan cu ta bin den contacto cu un mucha y ta ripara cu algo no ta bayendo bon nan por meld esaki y cual meldcode ta cay bou di social crisis plan.

Minister di Husticia mr. Andin Bikker

Ta trahando pa mas capacidad di detencion pa personanan cu un status no ta na ordo

Minister di Husticia mr. Andin Bikker durante conferencia di prensa dialuna a trece varios punto di su ministerio, pero prome e mandatario a manda palabranan di condolencia na famia di sr. Vicente Kelly cu su fayecimento. Un baluarte di Aruba su cultura y musica y siguramente ta bay haya su falta.

Pa loke ta update riba diferente tema di Ministerio di Husticia, Minister Bikker a bisa cu actualmente ta trahando urgente riba ampliacion di e capacidad di retencion di ilegal, tambe leynan pa e pandemia Covid pa medio di termino largo, ley di crisis di recuperacion pa reactiva Aruba su economia, desaroyo positivo pa loke ta trata material pa Cuerpo di Bombero y leynan pendiente na Parlamento pa aumenta castigo maximo.

Manera ta conoci Aruba ta enfrentando retonan sin precedente relaciona cu Covid-19, caminda tin varios presion riba e mercado laboral. Anticipando riba esey a bin cu un maneho p'esnan

cu ta na Aruba sin status unda nan por a meld nan mes pa regreso boluntario pa nan pais. Sinembargo esaki tin su reto, pasobra no tin vuelo regular pa hermana pais Venezuela. Na luna di mei tabatin como 10 buelo cu a schedule, pero na ultimo momento esakinan a keda cancela.

E mandatario a bisa cu semanalmente y constantemente ta haya confrontacion cu e mesun reto pa purba schedule buelonan di regreso pa no solamente esnan cu boluntariamente kier bay, pero personanan cu a haya nan ta traha ilegal of personanan cu a sali for KIA y cu mester expulsa nan.

Den e cuadro ey a bay Parlamento un par di siman pasa unda a haya aprobacion pa bin cu construccion urgente di e facilidadnan pa amplia e capacidad pa retene personanan ilegal. For di estadista di 2013 y cu un record na 2015 personanan a bin grandemente for di pais Venezuela como turista y no a bandona Aruba mas.



E trend aki a keda manifesta su mes te cu cuminsamento di 2019 unda Aruba a cera e fronteranan. Por corda tambe cu na 2018 centenares di hende a haci uzo di un tratado pa pidi asilo politico cu a haci cu a trece cambio den e leynan pa atende cu e situacion.

Pa loke ta construccion urgente di e facilidad Minister Bikker ta spera cu pronto por keda cla cu esaki y pa tin mas capacidad di detencion pa personanan cu nan status no ta na ordo.

Pa luna di juni SVb ta registra 1663 aplicacion pa subsidio di salario

DI un cantidad di 3200 dunador di trabou cu pa luna di juni a bin na remarke pa por aplica p'e programa Subsidio di Salario, 1663 a haci uzo di e oportunidad. Cu esaki por bisa cu pa luna di juni alrededor di 22.800 di trahador a keda cubri cu un garantia di pago parcial di nan salario pa un suma di 40.7 miyon florin.

SVb ta controlando tur e formularionan Akkoordverklaring Verminderend Arbeidsomvang cu e dunadornan di trabou mester a yena y entrega p'e luna aki. Lo tuma contacto cu mas o menos 300 dunador di trabou cu no a yena e formulario corecto of completo

pa brinda nan e oportunidad pa coregi nan eror.

Despues di esaki ta premira cu pa diaranson awor ta cuminsa cu e transferencia di e suma di subsidio di salario p'e dunador di trabou cu tabatin cos na ordo y ta sigui despues cu esnan cu mester a drecha e formulario Akkoordverklaring Verminderend Arbeidsomvang.

SVb ta recorda tur dunador di trabou cu e ta su responsabilidad pa percura cu su informacion bancario ta registra corectamente na SVb. Si esaki no t'e caso, e por resulta den retraso inecesario den pago di e subsidio di salario.

Pa facilita e dunador di trabou y brinda e ayudo mas liher posibel e Subsidio di Salario ta wordo paga den forma di un adelanto (na Hulandes un voorschot) a base di e perdida di entrada di benta premira p'e dunador di trabou pa luna di mei.

Despues lo controla y fiha e suma di subsidio a base di entrada di benta real di e dunador di trabou pa luna di juni.

Dunadornan di trabou cu ainda tin pregunta relaciona cu e programa Subsidio di Salario por sigui manda nan pregunta pa e Service Center na loonsubsidie@svbaruba.org.

CEDE Aruba y Happy to give Back ta sostene 3 organisacion importante na Aruba pa yuda nos comunidad



DIAMARS, 23 di juni 2020 a tuma lugar un rueda di prensa di CEDE Aruba, conhuntamente cu Fundacion pa nos Comunidad, Fundacion Ban Uni Man Pa Cria Nos Muchanan y YMCA Aruba. Durante e rueda di prensa sr. Daniel Tacklenborg, Director di CEDE a informa den ki forma e campaña Happy to give Back ta sostene e tres organisacionnan, entre otro cu comestibles, cuminda cayente y desayuno pa mucha.

Cada donacion cu wordo colecta ta yuda tur tres organisacion, unda nan por sigui yuda comunidad durante e siguiente lunanan.

Dia 9 di april 2020, CEDE Aruba a anuncia e campaña Happy to give Back. E meta di e campaña aki ta pa recauda fondo pa sostene esnan den necesidad na Aruba cu alimento. Durante e ultimo dos lunanan CEDE Aruba a logra recauda mas cu AWG. 525.000,- cu e campaña aki.

CEDE Aruba ta gradici diferente sponsor local y internacional, manera AFAS Foundation, Kiwanis Club of Palm Beach, Rotary Club of Aruba, Vereniging van Eigenaar Le Vent, ITA Asset Management, Ike Cohen Foundation, Wernet Solar Solutions, Asociacion di Especialista Aruba ASHA, Arugas N.V., Prestige Realty NV, Setar N.V. y hopi mas.

Tambe ta gradici cada persona individual, local y internacional, cu a haci donacion online riba e website www.happytogiveback.com. Last but not least ta gradici tur influencer manera Xander Boogards, dr. Edward Cheung, Ray Ellin y www.arubacomedy.com, Diana Mosher Herrera, Sara Quita-Offringa, Lisette Malmberg y Rachel Brathen

E fondonan cu a wordo recauda via Happy to give Back lo wordo parti den e siguiente forma. 75% lo bay pa Fundacion pa nos Comunidad, p'asina por asisti famianan den necesidad cu pakete di cuminda, voucher di cuminda of otro forma di ayudo necesario.

Fundacion pa nos Comunidad actualente ta yudando mas cu 3.100 famia. Esaki ta pone tambe cu mayoria di fondo lo bay pa e fundacion aki.

Un 15% di e fondo lo bay pa Fundacion Ban Uni Man Pa Cria

Nos Muchanan, p'asina por asisti muchanan na scol cu desayuno unda ta premira cu e necesidad aki tambe lo subi.

E ultimo 10% lo bay pa YMCA Aruba, aki tin un team cu ta cushinando 200 cuminda cayente pa dia.

E cumindanan aki ta beneficia e meals on wheels project cu ta wordo coordina pa Red Cross Aruba. CEDE Aruba ta kere cu e particion aki, e fondonan di Happy to give Back lo haci un tremendo impacto riba famianan, nos grandinan y tambe muchanan den necesidad na Aruba.

E organisacionnan a wordo scogi mirando cu nan tin hopi aña di experiencia y un "proven trackrecord". Cada donacion n'e campaña ta yuda tur tres organisacion pa sigui yuda comunidad durante e siguiente lunanan.

Un aspecto importante di Happy to give Back ta pa mantene etica y e proteccion di e cliente den necesidad. Pesey tur organisacion cu ta participa den e proyecto, a bay di acuerdo cu no ta publica ningun imagen di e cliente den necesidad riba social media of otro noticia. Tambe, e uso di fondonan ta 100% transparente y na final di e campaña aki lo publica un relato financiero riba e website.

Intencion ta pa laga e campaña aki dura te 31 di september 2020, p'asina por cumpli cu e meta pa recauda 1 miyon US Dollar. Den nos situacion actual ya caba a surpasa 30% di e suma aki. Den e siguiente simannan lo enfoca hopi mas riba e Mercado di Merca y Europa. Den cuadro di esaki nos kier gradici Aruba Tourism Authority pa nan colaboracion.

CEDE Aruba ta haci un Invitacion na tur compania, hotel of organisacion, cu tin contacto na Merca of Europa y cu ta dispuesto pa yuda expande nos horizontenan p'asina yega na un publico mas grandi den recaudacion di fondo. Esnan interesa por tuma contacto cu nos via info@happytogiveback.com of via e facebook page di Happy to give Back..

CEDE Aruba ta gradici henter e comunidad di Aruba y tur organisacion boluntario pa nan sosten y solidaridad. Mirando e sosten grandi cu hopi compania, organisacion y hende priva a duna na varios organisacion, nos por a alarga e periodo pa haci donacion di Happy to give Back. E crisis aki no ta un crisis di awe pa mañan. E lo tuma hopi tempo y pesey ta importante pa usa e fondonan aki mas largo y efectivo posibel.

Tur compania, organisacion of hende cu kier contribui na Happy to give Back por haci esaki online riba e website www.happytogiveback.com.

Por haci donacion via credit card, master debit card of via transfer. Pa Merca y Europa ta traha cu e plataforma GO FUND ME y WHYDONATE, cual ta acepta PayPal, Ideal y otro forma di pagon na Merca y Europa.

Drs. Shailiny Tromp-Lee (MEP):

Parlamento a aproba 750.000 florin pa, mediante CEDE Aruba, Fundacion Pa Nos Comunidad por sigui yuda nos famianan den necesidad

DURANTE un reunion di Comision Central cu a tuma lugar dia 18 di juni 2020, Parlamento a aproba e peticion di Minister Glenbert Croes pa, anticipando tratamiento di e presupuesto supletorio, otorga y paga CEDE Aruba 750.000 florin pa nan por duna e sosten financiero necesario na Fundacion Pa Nos Comunidad (FPNC) pa nan por cumpli cu e peticion grandi pa pakete di cuminda dor di nos famianan den necesidad.

Un sosten aki ta sumamente importante mirando e cantidad grandi di extraregistracion cu FPNC ta ricibiendo como consecuencia di COVID-19. Na april so FPNC den colaboracion y cu sosten di CEDE Aruba a reparti 2000 pakete di cuminda. Durante un reunion den comision fiho den Parlamento FPNC a indica cu prome cu COVID-19 nan organisacion tabata yuda 150-200 famia cu maandpakket of hulppakket.

Awor den e crisis di COVID-19 FPNC tin

3106 famia registra cu ta ongevêr 8600 persona. Un aumento drastico cu mas cu claro tin un impacto grandi riba e organisacion. Nos por conclui cu e situacion ta uno grave y cu Gobierno mester aloca extra fondo pa haci posibel cu FPNC mediante CEDE Aruba por sigui brinda e paketenan di cuminda na nos famianan den necesidad. Actualmente FPNC ta dunando famianan cu ta consisti di 3 a 4 persona un pakete di 450 florin.

Gobierno y demas stakeholders ta consciente cu ta necesario pa FPNC por sigui brinda e sosten aki y ta enfatisa cu mester percura cu e distribucion di paketenan di cuminda ta tuma lugar na un manera eficiente y structural.

Na mes momento mirando cu e cantidad di famia ta sigui aumenta y cu tin mas instancia ta ofrece pakete di cuminda mester percura pa tin un bon sincronisacion entre e instancianan pa tur famia den necesidad ricibi e yudansa cu e mester.

Mi kier termina cu palabra di sosten y elogia na Minister Glenbert kende a percura pa 11730 persona a ricibi FASE den lunanan di april y mei. 642 peticion mientrastanto a keda aproba y ta pending pa pago, 357 ZZP'er a ricibi FASE y 313 peticion di ZZP'ers, mientrastanto a keda aproba y ta pending pago y cu Gobierno a amplia e criterionan di FASE pa mas grupo meta por ricibi e asistencia aki.

Adicional awor Gobierno ta percura p'e fondonan necesario pa haci posibel cu e famianan den necesidad por sigui haya e pakete di cuminda cu t'asina necesario.

Mas cu claro pa finalisa Shailiny Tromp-Lee mester gradici y aplaudi e tremendo trabou cu FPNC sosteni pa CEDE Aruba a bin ta haci pa nos famianan den necesidad.

Hunto nos lo logra pone nos dushi isla y nos famianan bek riba pia.

Elmar no por sigui financia coriente di cliente cu no ta paga nan cuenta di coriente

NV Elmar a tuma nota di varios comentario riba e topico di cobranza di coriente, pa cual motibo Elmar ta desea di pone e discusion aki den un contexto mas amplio.

Desde inicio di e COVID19 crisis na maart 2020, NV Elmar a duna su clientenan un "espacio" unda no a desconecta coriente di esnan cu debe atrasa.

Ta bon pa subraya cu Elmar mes no ta genera coriente, pero ta cumpra esaki for di WEB Aruba NV.

Na momento cu un cliente no ta paga su cuenta di coriente esaki ta nifica cu Elmar mester financia esaki ya cu Elmar si mester cumpli cu su pago na WEB Aruba NV.

E espacio cu Elmar ta brindando pa mas cu 3 luna caba a resulta den un situacion unda hopi cliente no a paga nan cuenta di coriente. A pesar cu NV Elmar a keda brinda servicio di caha durante e periodo di shelter in place, tog hopi cliente a keda sin paga.

E presion cu esaki a pone riba e situacion financiero di NV Elmar ta enorme y a yega na un punto cu no por sigui financia consumo di coriente di esnan cu no ta paga.

Ta p'e motibo aki ta pidiendo tur cliente pa actualisa nan cuenta na NV Elmar. NV Elmar tin comprension p'esnan cu a haya nan mes den un situacion financiero dificil y pesey tambe ta ofrece areglo di pago si ta necesario.

ANUNCIO IMPORTANTE ENTRANTE 1 DI JULI

Despues di un periodo di 3 luna, Elmar ta preparando pa reanuda operacion normal dia **1 di juli**. Esaki ta encera e.o. cuminsa cobra riba cuentanan atrasa.

Pa motibo di e cantidad di cuenta atrasa no lo por parti recordatorio di pago riba facturanan caduca.

Pa informacion tocante areglo di pago tuma contacto cu Call Center na 523-7100.

Elmar ta conseha tur cliente pa tene nan cuenta di coriente up to date pa asina evita desconexion.


ELMAR
-Redefining Energy-

Danki pa e comprension

523 7100 | customerservice@elmar.aw

Premier Evelyn Wever-Croes a anuncia

Plataforma Nacional cu tarea pa desaroya e vision economico di pais Aruba

Plataforma Nacional, cu ta consisti di un total di 125 persona, ta haciendo trabounan incansabel y boluntariamente riba e recuperacion economico di pais Aruba.

Na comienso di e crisis, Gobierno a atende di un forma rapido cu e aspec-tonan di salud y humanitario, acer-cando Hulanda pa un fiansa p'asina por yuda esnan mas afecta. Cu e fian-sa aki Gobierno a logra cumpli cu es-nan cu a perde entrada y nan trabou. E siman cu a pasa e di dos parti di Loonsubsidie a yega p'asina Gobi-erno por sigui cumpli cu esnan den necesidad.

Gobierno di Aruba a trece profesion-alnan na nivel nacional pa traha riba un plan pa cu e recuperacion econom-ico a trabes di inovacion. E plan aki tin como meta crecimiento economico den un forma inovativo, inclusivo y sostenibel incluyendo e condicionnan necesario pa un economia resiliente den termino largo, mientras lo tin cu cuminsa mira beneficianan den ter-mino corto y mediano.

Gobierno a institui e 'Recovery and Innovation Committee' cu tin como tarea pa desaroya;

e vision di un economia transforma; reformanan structural cu tin como condicion p'e recuperacion, stabili-dad, y crecimiento economico sosteni-bel; identifica sectornan strategico (nobo) cu ta trece un balor agrega

na nos economia y cu ta brinda un maneho pa guia decisionnan riba in-versionnan grandi den sector priva y publico den futuro.

E comision di 'Recovery and Innova-tion' ta consisti di representantenan di sector priva, publico, academico y civico cu mas di 125 boluntario tra-hando pa bin cu un "masterplan" cu ta encera diferente conseho y reco-mendacion p'e reforma y cambionan structural cu ta necesario pa hiba Aruba den e direccion economico nobo.

E "masterplan" aki ta tuma na cuen-ta tur e trabounan cu a ser haci an-teriormente dor di e otro comision-nan; entre otro e National Strategic Plan 2020 – 2022 pa acelera e imple-mentacion di e Sustainable Devel-opment Goals (SDGs) di Nacionnan Uni (NSP), e ROP y varios conseho cu Gobierno a ricibi di diferente in-stancia, p.e., Raad van Advies, SER, gremionan y NGOs

E resultado ta e stipulacion di e meta-nan principal pa cada area economi-co, lo a completa un analisis concreto di e problemanan cu lo por stroba Go-bierno di yega n'e metanan aki y bin cu conseho y solucionnan cu por tin e impacto positivo mas grandi.

E strategia aki no ta "business as usual" y ta rekeri pa bin cu ideanan "outside the box" ora di defini e meta,



problema/retonan y tambe ora di pensa riba solucionnan, mientras cu ta revisa y uza raport, conseho y ide-anan existente.

Gobierno a bin cu e strategia di traha cu un cantidad grandi di boluntario p'asina por trece na comunidad kico t'e deseonan p'asina nos por sobre-vivi, stabilisa y crece nos economia.

Actualmente e diferente "task force" nan ta den e fase final di e proceso y ta premira cu e raport y plan final lo wordo entrega na Gobierno di Aruba pa final di juni.

Siman pasa tabatin 2 Town Hall Vir-tual unda cu diferente Task Forces a duna un update di nan trabounan y contesta preguntanan di publico to-cante nan recomendacionnan.

Mas cu 500 persona a participa n'e town hallnan. Por mira e grabacion di e Town Hallnan online riba Face-book di Gabinete Wever-Croes.

Premier Evelyn Wever-Croes: "Go-bierno di Aruba ta gradici tur par-ticipante pa nan contribucion di un forma of otro n'e proceso aki. Nos ta aprecia y ta balora boso tempo, es-fuerzo, aportacion y ta sumamente agradecido pa boso dedicacion den e momentonan aki unda cu como pais nos ta enfrentando retonan nunca bisto".



Parlamentario Dellanire Maduro (POR)

Pa siman e cantidad di peticion pa ayudo di FPNC ta subi cu 125 famia extra



Parlamentario Dellanire Maduro como Presidente di Comision Fiho di Asunto Social, Famia y Salubridad Publico, a invita Fundacion Pa Nos Comunidad (FPNC) y CEDE Aruba pa duna un presentacion riba e necesidad di nos comunidad, financiamiento y distribucion di e paketenan di cuminda y trabou den ekipo entre e instancianan pa por traha di forma mas eficiente.

Durante e reunion a trece dilanti kico e fundacionnan aki ta haci, e tipo di servicio y ayudo cu nan ta brinda y den ki forma ta duna esaki.

Meta di FPNC ta pa evita y combati pobresa, ademas tin como meta pa nan “target group” alcanza solucion sostenibel atraves di reintegracion y participacion. Meta di CEDE Aruba ta pa duna sosten na organisacionnan y promove desaroyo na beneficio di Pais Aruba. E crisis di COVID-19 a trece cune cu hopi persona den nos comunidad a bay atras den entrada of a perde nan entrada completo. Consecuentemente e demanda pa ayudo humanitario serca FPNC a aumenta abruptamente.

Prome cu COVID-19 FPNC tabata brinda yudo na 150-250 famia pa luna cu “maandpakket” of “hulppakket”. Cu e crisis actual e demanda a aumenta. Actualmente ta brindando ayudo cu pakete di cuminda na 3106 famia. Algun famia a haya nan di 3 hasta di 4 pakete di ayudo caba.

Maduro a remarca cu FPNC ta traha a base di ayudo boluntario cu ta algo cu nos mester ta orguyoso di esnan cu ta duna nan tempo pa yuda esnan mas vulnerabel den comunidad.

Debi na crisis y demanda di personal, Departamento di Asunto Social a manda un trahador social pa brinda sosten na FPNC. Otro instancianan “amigonan di FPNC” tambe ta brinda ayudo y ta traha a base di confiansa y profesionalismo cu otro cu ta crucial durante e crisis aki.

Pa cu esaki, Dellanire ta menciona cu ta importante pa trece dilanti y reconoce cu nos comunidad tambe a “step up” y a aporta na FPNC desde inicio, “algo cu nos mester ta orguyoso di dje”.

FPNC a comparti nan preocupacion cu Parlamento, mirando cu e reto ta birando grandi, e situacion ta hopi serio. Segun e informacionnan presenta, pa siman e demanda ta aumentando cu 125 famia extra. Teniendo na cuenta e situacion aki, siman pasa e peticion di Minister di Asunto Social y Labor pa aporta cu sosten financiero di 750.000 florin na FPNC a wordo aproba unanimemente den Parlamento, e Parlamentario di POR a duna di conoce. No por keda sin menciona cu FPNC ta registra henter e famia y ta boga pa traha cu e banco di cuminda oficial aki na Aruba pa percura cu tur famia cu tin mester por haya cuminda, mientras cu ta evita cu famianan por haya e ayudo aki dobel.

Pesey lo ta ideal pa tur instancia caritativo, incluyendo misanan, por pasa e datonan di e famianan cu nan ta yuda over p’asina por tin e bista di cual t’e famianan cu ta wordo yuda y sigura cu ningun famia ta keda sin ayudo.

E ta splica tambe cu ademas Cruz Cora, FPNC, CEDE Aruba y VNO a firma acuerdo pa brinda ayudo na famianan den necesidad durante tres luna largo, unda ta purba “rek” e ayudo aki mas hopi cu ta posibel.

“Aruba t’e unico pais den Reino cu a cuminsa y tin “inplace” e tipo di ayudo aki caba y nos mester ta orguyoso di esaki”, Dellanire Maduro a bisa. El a finalisa informando cu como Presidente di e Comision lo extende un invitacion na Cruz Cora pa por scucha for di nan con nan ta atendiendo cu e situacion di crisis n’e momentonan aki.

Aruba Lions Club cu bunita gesto Dia di Tata



E club di servicio Aruba Lions Club den ultimo tempo ta scucha di nan cu diferente proyecto den nos comunidad banda di esnan conoci den comunidad manera e rifa di cas y wheelchair cu hospital beds of e smile mobile cu t'esun pa revisa e dentadura di nos grandinan den nos comunidad y asina cu otro proyectonan den ramo di saludbridad.

Tambe ultimo tempo a organisa otro actividadnan tambe manera Bingo, Fiesta Bailable, Festival di Pasco y mas p'asina por recauda fondo pa por sigui brinda servicio y ayudo n'esnan cu menos recurso.

E biaha aki Aruba Lions Club pa medio di dos di su miembronan musico a lansa un proyecto cu no ta mucho comun den comonidad den e clubnan aki, pero un proyecto musical den forma di un produccion riba un disco compacto.

E disco compacto aki cu a hiba e number di "Serenata Instrumental" ta un produccion di 11 cancion incluyendo 3 potpuri, tur instrumental cu a wordo toca cu cuarta, baho y mandolin y tur ritmonan crioyo y varia.

Esaki sigur a resulta un exito p'e tatanan cu a ricibi esaki, cu por disfruta di un musica hopi suave pa relaha.

E disco aki Aruba Lions Club a reparti diasabra na cas di e grandinan y den e diferente hogarnan riba nos isla p'e tatanan como un regalo riba nan dia cu tabata diadomingo ultimo.

Aruba Lions Club pa medio di esaki ta contribui na mantene y sostene nos folklore pa medio di musica, tambe trece e dushi ambiente Arubiano den nos comunidad y sigur pa demostra e pasion di nos club pa yega na alma y curazon di e pueblo.

E disco compacto aki ta consisti di ritmonan di wals, tumba, calypso y danza cu cancionnan popular y clasico cu hopi biaha nos conoce cu canto, pero e biaha aki completamente instrumental.

Un bunita gesto di Aruba Lions Club cu ta sirbiendo Aruba pa 73 aña caba y cu den e tempo moderno aki ta bin cu proyectonan diferente cu sigur lo keda aprecia pa hopi hende.

Pabien ALC cu e bunita gesto aki.

Xpresa bo mes

Julius L. Penha ta duna e otro banda di medaya

Julius L. Penha & Sons Aruba N.V. (Penha), un compania cu ta forma parti di e famia di Penha Duty Free (Penha Group) estableci na **1865**, aki na Aruba operando ya caba desde 1971 cu su tiendanan Penha Duty Free, y recientemente tambe Victoria's Secret, MAC y Bath & Body Works Aruba, a tuma nota di cierto expresion haci pa algun empleado (6) di su operacion. No ta custumber pa reaciona publicamente riba asuntonan di compania, pero den e caso specifico aki a dicidi di haci un excepcion mirando e contenido di dicho expresionan.

No ta un secreto cu economia di Aruba ya pa un tempo (años) a bin ta deteriora. Benta a baha exponencialmente, mientras cu e gastonan operacional a sigui subi drasticamente cu tur e consecucionan negativo cu esaki ta trece cune. E crisis actual cu desde maart a bin ta azota Aruba y mundo henter, a simplemente empeora e situacion.

Covid-19 a accelera e deterioracion. Y si sigui e desaroyonan mundial di cerca, por deduci cu e futuro no ta pintando nada positive tampoco. Esaki t'e realidad duro cu nos ta enfrentando actualmente como comercio. Companianan cu primordialmente ta depende riba e industria turistico awor tin'e mas duro cu nunca y practicamente a pasa pa cuido intensivo y diariamente ta bringando pa nan bida. Y esaki no ta un exageracion. E ta un hecho.

Ta berdad cu nos frontera dentro di poco lo ta (parcialmente) habriendo y cu nos tur cu tin Aruba na pecho ta cargando e speranza cu (por lo pronto) nan lo keda habri. Pero hecho ta, cu e fluho di turista cu nos ta anticipa di lo ta bishitando nos isla por lo pronto no lo ta n'e mesun nivel cu nos a bin ta custumbra cune. Aki mester tene na cuenta tambe e posibilidad real cu ta existi cu e turista cu bin Aruba no lo ta gastando mesun hopi placa mas cu antes y lo ta concentrando su mes mas riba locual cu nos naturalesa tin pa ofrece, p.e. nos beachnan.

Mientrastanto a consecuencia directo di e crisis, localmente e placa no ta lorando tampoco (mas) na un nivel deseabel/necesario. Esnan cu n'e momentonan aki ainda tin trabou no tin mesun hopi entrada mas y/of ta pensando dos bes prome cu saca placa. E economia di Aruba poco poco ta stagnando. Punto ta y ta keda cu benta a disminui substancialmente e delaster añanan y cu tur cos ta muera cu den e temporada nos dilanti e trend aki lamentablemente no lo bay cambia y lo bira hasta pio. Claro cu semper den temponan dificil mester keda positivo. Sin embargo mester keda realistico

tambe. No mester ta dificil pa compronde cu como compania bo ta haña bo tin biaha ta tuma cierto decision/accion cu (inicialmente) por ta dificil pa compronde, pero cu ta necesario pa por trata di scapa e operacion y asina purba di garantisar trabou y pues entrada di un gran parti di e empleadonan. Empleadonan cu semper nos a califica como famia.

Mester ta cla cu decision/accionnan asina no ta wordo tuma levemente. Al contrario, ta decision/accionnan cu como compania ta haci hopi dolor, pero cu, y nos ta ripiti, ta realmente necesario pa por sobrevivi e crisis actual. Asina como dunador di trabou responsabel y pa salvaguardia mas tanto posibel pues e futuro di nos compania a largo plazo, recientemente a tuma e decision doloroso pa sera nos tres tiendanan na Palm Beach Plaza y tambe nos localidad den centro di ciudad na Plaza Daniel Leo na cual localidad e 6 empleadonan en cuestion ta labora. Mientrastanto a reparti e otro empleadonan entre e localidadnan cu ainda ta habri.

Den luna di april den un forma transparente a comunica na tur nos empleadonan e situacion dificil cu compania t'aden y cu no ta sigur ainda kico lo paga e luna ey y cu ta trahando duro riba esaki. Nos a conseha tur empleado pa nan aplica p'e programa di Gobierno di Aruba, FASE, p'asina nan por haña un ayudo financiero den april.

E momentonan ey ainda no tabata cla con exactamente FASE (lo) tabata (bay) funciona, pero nos tabata kier pa tur nos empleadonan aplica en caso cu nan por a haña un ayudo financiero di parti Gobierno di Aruba. Despues compania a tuma e decision basa riba su situacion financiero n'e momentonan ey, pa paga su empleadonan den luna di april 50% di nan salario incluso un averahe di nan comision. Tur empleado a wordo informa di e decision aki mediante un carta individual. Y tur empleado a bay di acuerdo tambe cu esaki.

Na ningun momento a wordo comunica cu e cestanan di cuminda cu nos lo a laga trece pa nan tabata pa compensa e 50% di salario cu nan no lo a ricibi. Locual cu a wordo bisa ta cu banda di e 50% cu lo a wordo paga, compania lo proporciona cestanan di cuminda na tur su empleadonan pa di e manera ey apoyanan y nan famia den e temponan dificil aki di crisis. Ta berdad cu e cestanan a tarda un tiki, pero esaki tabata pa motibonan logistico cu tabata totalmente fuera di nos control.

Importante tambe ta pa nota cu Penha lo sigui brinda e cestanan aki na su empleadonan den e luna nan nos dilanti.

Tambeta berdad cu mayoria di nos empleadonan na final no a ricibi FASE den luna di april, pero esaki tabata paso nan entrada den dicho luna (april) tabata mas cu Afl. 950 cu consecuencia cu nan no a califica p'e programa (pago) di FASE.

Ta importante pa nota cu na ningun momento a kita e 6 empleadonan for di trabou. Claramente ora haci un oferta na un empleado pa acepta un pakete pa termina un relacion di trabou cu entendimiento mutuo, no por tin caso di un terminacion.

Significativo t'e hecho cu den e caso specifico aki a comunica n'e 6 empleadonan cu mientrastanto nan lo keda ricibi nan salario pa

luna di juni mirando cu a propone pa termina e relacion di trabou cuminsando 1 di juli.

Como bon dunador di trabou a hasta encurashanan pa tuma contacto mesora cu Departamento di



Labor p'asina nan por verifica cu dicho departamento cu locual cu ta ofreciendonan (e oferta) ta cuadra cu nos leynan laboral. Esaki a wordo comunica telefonicamente (mirando cu e fronteranan tabata sera ainda pa cu entre otro Curaçao) den un yamada den cual a participa e manager encargacu apoyo di personal, e Director di Recurso Humano di tur nos tiendanan den region incluso Aruba, como tambe e assistant manager local cu tabata fisicamente presente. A duna cada un e oportunidad pa haci cualkier pregunta cu nan por tabatin y a informa nan tambe cu si despues ainda tin pregunta por a libremente tuma contacto bek pa responde nan. Penha kier a remarca un rato cu e no t'e prome compania local y lamentablemente no lo t'e ultimo dunador di trabou na Aruba tampoco cu a y lo bay ofrece un pakete na su empleadonan a consecuencia di e crisis. Tambe, cu e programa di subsidio salarial di Gobierno di Aruba no ta prohibi un terminacion mutuo di e contrato laboral. Esaki por lesa claramente den e decreto ministerial di e programa di subsidio.

Ta berdad cu e 6 empleadonan a wordo pidi pa recoge nan pertenencianan. Pero esaki mirando e hecho cu nos tienda na Plaza Daniel Leo a sera su portanan pues no ta responsabel pa laga ningun pertenencia personal eyden, pero tambe naturalmente e hecho cu e oferta cu tin riba mesa ta pa un terminacion mutuo di e relacion di trabou cu efecto 1 di juli. mE programa di subsidio salarial ta basa riba un aporte financiero propio di banda di e dunador di trabou, dependiendo di e grado di perdida di entrada di e compania.

Si e perdida no ta completo, ainda e dunador di trabou lo mester carga un parti su mes. Esaki ta entre otro locual cu Penha no lo por carga mas si e kier actua di un manera responsabel y cu mira pa futuro planea y purba di tur manera di salvaguardia mas tanto cu ta posibel su operacion

riba e isla di Aruba p'asina na final evita un escenario di bancarota. Na nos hermana isla Curaçao lamentablemente, ya caba mester a kita un 30% di e total di nos empleadonan. Un situacion cu naturalmente nos no lo kier yega na dje aki na Aruba. Como compania serio Penha lo semper sigui actua a base di nos leynan laboral vigente, bou guia di asesoria legal, e profesionalnan di Departamento di Labor como tambe Mediador di Gobierno di Aruba, semper teniendo na cuenta e situacion actual. Finalmente Penha kier a desea tur hende riba e pida baranca Aruba, hopi animo, optimismo, forsa y principalmente perseverancia den e temponan dificil cu nos ta pasando aden.

Participacion



TUMANDO masha na serio e caso di COVID-19 (Coronavirus) na Aruba y sigui cu recomendacionnan di Gobierno, gerencia di AWEMainta ta ofrece tur esnan cu kier sigui noticia, pa registra pa recibi tur dia, sin mester di sali for di nan cas AWEMainta, GRATIS. Y asina ta keda altanto di loke ta pasa na Aruba y rond mundo.

Ta pesey AWEMainta como e prome corant digital tin e circulacion mas grandi. Bisando esaki, nifica cu tur esnan cu ta desea di pone nan advertencia den AWEMainta, nan ta mas cu bon bini. Nos tin tarifanan masha economico, pa yudabo cu bo benta.

Banda di e corant digital, tur hende por sigui e noticianan di AWEMainta riba nan website y tambe via nan facebook.

Djies type www.awemainta.com

Tur hende cu ta desea pa manda nan noticia y/of nan advertencia, por haci esaki mandando esaki na noticia@awemainta.com.

Y asina lo yudabo keda den contacto cu tur persona cu abo ta desea.

Laga AWEMainta t'e vehiculo di bo contactonan.

Danki p'e confianza

Gerencia di AWEMainta



Rest In Peace

Royal Aurora Funeral Home & Crematory

Gradicimento y Invitacion

Pa medio di esaki famia Tromp ta gradici pa e atencion demostra na nos defunto



Juan Ramiro Tromp
"Ramiro"

Alabes ta invita pa 3 santo sacrificio di misa pa Descanso di su alma; diaranson 24 di juni, diahuebs 25 di juni y diabierna 26 di juni pa 7'or di anochi na misa Inmaculada Concepcion na Sta. Cruz

Sergio Tromp y famia

Royal Aurora Funeral Home & Crematory

"Señor ta mi wardador, mi'n tin falta di nada
Den cunucu di yerba berde e ta ponemisosega.
E ta hibaminaawatrankil,
Pa mi bolbehañaforsa".
Salmo: 23

Nos ta anunciafayecimento di:



Edwin Calixto Trimon
Mihor conoci como "Eddy"
*05-09-1955 - †22-06-2020

Acto di entiero lo wordo anuncia despues

Royal Aurora Funeral Home & Crematory

"Señor ta mi wardador, mi'n tin falta di nada
Den cunucu di yerba berde e ta ponemi sosega.
E ta hibami na awa trankil,
Pa mi bolbe haña forsa".
Salmo: 23

Cu dolor na nos curason,
nos kier anuncia fayecimento di nos ser stima:



Mercellina T. Bareño-Maduro
*26-04-1940 - †23-06-2020

Acto di entiero lo wordo anuncia despues

Royal Aurora Funeral Home & Crematory

"Semper bai cadapalabra di Dios a resulta di ta berdad;
E t'un escudo pa esnan cu sconde serca dJE"
Proverbio 30:5

Gradicimento y Invitacion



SraViuda Mathilda Gonzalez-de Windt
*12 November 1934 – †23 Maart 2020

Pa medio di e anuncioakiJiunankier a gradici tur famia, bisiña, amigonan y conocirnan cu di un of otroforma a muestraatencion den momentonandificildurantefallecimiento y despedida di nos querida mama, SraViudaMathilda Gonzalez-de Windt.

Nos kier a gradici Dr. Karim Aljaf y Dr. Alex Schwengle pa tur e atenciondunananos mama durante di suenfermedad y nasuajudantenanRitta Stewart, Betty De La Rosa, Rosa Acosta, Sharon Duchesne, Dizza Brooks y Zusternan di WGK pa tur e cuido y cariñocu nan a dune. Alavesnos kier invita pa un Santo Sacrificio di Misa cual lo tumalugarDiabierna 26 Juni 2020 pa 7'or di anochina Misa San Francisco di Asis Pro-Cathedral na Playa pa recorda 3 luna di fallecimiento di nos mama stima.

Royal Aurora Funeral Home & Crematory

Gradicimento y Invitacion

Pa medio di esaki famia kier a gradici tur esnan cu na un manera of otro a duna nos sosten, consuelo y forsa durante e tempo dificil cu e fayecimento y entiero di nos defunto stima:



Carmen Erasmus

Boso muestra di atencion ta di hopi aprecio y un gran sosten pa nos. Un danki na un y tur cu a manda carchi, krans, whatsapp, email y a hasi yamada nan telefonico. Tambe na Aurora Funeral Home pa cu su bon servicio y atencion.

Boso muestra di atenshon tabata un gran Consuelo pa nos.

Na mes momento nos ta invita famia, bisiña-, amigo- y conocirnan pa compana nos na 3 Santo Sacrificio di Misa na misa Inmaculada Concepcion na Sta. Cruz; diaranson 24, diahuebs 25 y diabierna 26 di juni 2020 pa 7'or di anochi

Boso presencia ta altamente aprecia.

Royal Aurora Funeral Home & Crematory

Despues di un batallahopiduro y largo Martha a baydescansa y busca pazserca Señor. Nos lo corde pa e bunita persona cu e tabata, semper felis y positivo. El a stima bida y a hacimashopie cos undaelainsipirahopihenderond di dje. Nos ta bay sintisufaltamashahopimes.



Martha Lucia Schimmel-Puello-Mejia
*12-05-1965 - †20-06-2020

Na nomber di su;

Casa;	Rôger Schimmel
Yiunan;	Taís y Kiara Schimmel
Mama y Tata;	†Darioy Maria Ignacia Puello-Mejia
Suegro y Suegra;	Wim Schimmel y Cora Verhoeff
Rumannan;	Carlos y Claudia Puello-Mejia
	Diogenes y Nidia Puello-Mejia
	OgiuerPuello-Mejia
	†Ruben Puello-Mejia
	Oscar y Angela Schimmel
Sobrinonan;	Alejandra, Marcela, Carlos, Juan-Pablo, Morris y Eve

Demas famiana Colombia, USA, Hulanda, Venezuela, Australia

Amigonan special; Elisa Ramos, Jose y Lourdes Guevara, Kitty Rivera, dr.Carlos y Gemma Vallejo, dr.Arthur y Diana Vallejo, dr Carlos Vargas, Diana Masias.

E entiero lo tumalugarna Medellín. Acto di despedida lo wordohaci den seno familiar y desafortunadamente nos no ta ricibibishita di condolencianacas.

Otro luna TUI ta bolbe reanudá su buelonan pa Còrsou

RIJSWIJK/W'STAD – Gradualmente mas y mas destino turistico y vacacional ta habri pa biaheronan.

Mayoria di destinonan lehanu ainda no a habri nan fronteranan, pero afortunadamente turistanan di Europa por bin Còrsou, Aruba y Bonaire otro luna.

Entrante diarazon 1 di juli, TUI ta start cu su operacionnan y su siguiente dia tin buelo for di Amsterdam pa Còrsou.

Pa Bonaire e buelonan ta cuminsa dia 9 di juli y Aruba dos dia despues.

TUI a constatá cu turista Hulandes gusta e tres islanan aki y TUI ta mas contento cu nan por reanudá nan biahenan pa nos islanan.

E avionnan Dreamliners di TUI nan promé buelonan ta pa Còrsou y despues p'e dos otro islanan.

E lasonan historial di nos islanan cu TUI ta data di hopi aña y nan ta contento di por cuminsa bula y asina duna nos economia un push.



Un factor cu a facilitá e decision di TUI pa reanudá su buelonan pa nos islanan ABC ta cu a penas por a nota cu tabatin un pandemia di coronavirus na islanan ABC.

Nan a recomendá nan clientenan pa move libremente, pero respetá reglanan local.

E buelonan mes ta equipá cu tur loke ta necesario pa seguridad di e pasaheronan.

Pero nan abogado no tabata sa?

Corte no por a admiti caso di prezonan di Sint Maarten contra Minister

PHILIPSBURG – Siman pasa Corte di Husticia den Promé Instancia na Sint Maarten a sali dicta cu e caso civil cu prezonan den prizon di Sin Maarten a entamá contra Minister di Husticia no por prospera.

Cu otro palabra e caso a caba promé cu el a cuminsa y e prezonan a bay prizon Point Blanche mal fadá bay ocupá nan cèlnan sushi,

Demanda di e prezonan tabata pa Corte ordená Gobiernu pa manda nan bay sinta nan castigo na Hulanda menos na Sint Maarten. Nan kier keda será na Hulanda te dia autoridadnan por duna garantia cu e prizon ta save y sin peliger pa nan integridad.

Huez a sali bisa cu nan reclamonan no ta admisibel, pasobra no por dagvaard un Minister den un caso civil.

Ademas Sint Maarten no por ehecutá e traslado di e prezonan pa Hulanda sin cooperacion di Hulanda.

Detencion pa menasa, maltrato y destruccion

WILLEMSTAD - Dialuna 22 di jüni 2020, alrededor di 13.16 or, Central di Polis a dirigí un unidad di Polis pa Brievengat, pa un caso di maltrato, menasa y destruccion. E unidad policial cu a yega n'e sitio, a papia cu e víctima kende a declará cu el a keda maltratá pa un bisiña.

E víctima tabatin sla na su brasa robes e parti abou, tambe herida na algun parti di su cabes.

Alrededor di 13.55 or, Polis a detené e **dama sospechoso Sh.Q di 22 aña di edad, nacé na Còrsou** pa maltrato, destruccion y menasa. Detencion a tuma lugar na John de Poolstraat.

A presentá e sospechoso dilanti di un Fiscal auxiliar kende a ordená su encarcelamento pendiente di mas investigacion.



E unico corant GRATIS



Abona awo

Manda un e-mail na:

Noticia@awemainta.com

y skirbi e palabranan: *"Ami Kier Abona"*

Like nos riba facebook

Keda "up to date" y like nos riba facebook
www.facebook.com/awemainta



Subi riba nos website

www.awemainta.com

AWEMainta completamente

DIGITAL

BONERIANO®

EDITOR:
Bonaire Communication Services N.V.

Djammers 23 yùni 2020 | Preis: \$0,60

ENTIERO BAYENDO FOR DI MAN

Selebrashon na ZòZò Ranch



Selebrashon dia di tata, un ambiente tur afó manera ta bisa. Esaki tabata na ZòZò Ranch. Aparte di personanan individual, tabatin grupo tambe presente. 'Grupo Bon Ambiente' a selebrá dia di tata ku nan miembronan na e sitio ariba menshoná.

NOS A TOPA



Estefani Hagens a selebrá fecha natal i huntu ku kantidat di invitado el a gosa di e dia. Final di e selebrashon momentu ku e grupo di brasbènt "The Boyz" a tèrminá e parti di animashon, tabata momentu pa "Photoshoot". Despues di e sekshon ei, tabata turno pa "Selfie", pasobra nos a topa i ta sigur un bon momentu pa saka potrèt pa keda kòrda e momentu. Tin bia bo tin ku splika kon e ambiente tabata. Den e kaso aki, e karanan riba potrèt ta papia tur kos kon e ambiente tabata. Sigur nos tur a gosa di e anochi. Tur aña ta kos di selebrá. Pues nos lo keda pendiente pa 2021.

Pronóstiko di tempu



Ta parsialmente nublá Prinsipalmente awe tin chëns pa algun áwaseru. I mas lat lo tin neblina. E temperatura máksimo lo ta aproksimadamente 32°C, e temperatura mínimo mas o ménos 27°C. E bientu ost ta basta fuerte, aproksimadamente 5 Bft.

Altura di ola: 2.0-2.5 m (6-8 pia)

* Altura di ola válido pa laman grandi

Durante e temporada di orkan, KNMI ta vigilá minuosamente e Oséano Atlántiko den koperashon ku e National Hurricane Center (NHC). E pronóstiko mas resién ta disponibel via <https://www.nhc.noaa.gov/gtwo.php?basin=atlc&fdays=5>



Bonaire.tv
Historia | Kultura | Naturalesa

Kanal 70 Telbo – Kanal 23 Flamingo TV

ENTIERO BAYENDO FOR DI MAN

KRALENDIJK -- Pader Alphonsus Baak tabata fuerte durante santu sakrifisio di misa djadumingu, relashoná ku loke a sosodé djasabra durante un entiero fin di siman tras di lomba. El a ekspresá ku loke a sosodé no ta kos pa tolerá.

“Porpoko mi a stòp ku respòns, debí na e situashon ku a presentá poko

promé ku mester a kuminsá ku misa, promé ku hiba e defuntu santana. Hendenan tabata drenta misa ku mariwana, bòter di serbes. Esaki no ta aseptabel. Mester tin rèspèt den misa. Nunka promé algu asina a sosodé den mi karera komo pastor. Mi a sirbi misa na diferente pais i isla, sin topa algu manera loke a



sosodé.”

Di akuerdo ku pader Baak, na sierto momentu el a disidí ku e no ta sigui ku misa i a manda forlestu Charlton (Chal) Thomas pa atendé ku esnan ku tabata hasi kos for di òrdu dilanti porta di misa. Entre otro rankamentu di outo i moto-saikel.

“Chal a aserká nan i e kos a bira pió. Poko despues nan a stòp, i mi a disidí pa hasi misa. Rònt e área di misa a keda sushi, ku entre otro bòter di bibida di alcohòl. Nos mester komportá nos desente tur momentu. Esaki ta hasi mas doló na e famia, kende a pèrdè un serkerí”, pader Baak a bisa.

Diálogo Sentral kontentu ku prolongashon pakete di medida

KRALENDIJK -- Diálogo Sentral di Boneiru ta kontentu ku gabinete hulandes a duna oido na e petishon di e diálogonan sentral di Boneiru i Sint Eustatius pa prolongá e medidanan di sosten di krísis pa e islanan di Hulanda Karibense. Ku esaki, gabinete a inkorporá tambe e sugerensianan di e diálogonan sentral pa amplia e pakete aktual ku sierto medida ku ta vigente kaba na Hulanda Europeo, teniendo kuenta alabes ku e situashon spesífiko di kada isla.

Prolongashon

Diálogo Sentral ta un plataforma formá pa dunadónan di trabou, sindikatonan, Kámara di Komersio i gobièrnu lokal, ku partisipashon di e unidat di Asuntunan Sosial i di Labor (SZW) di RCN komo konsehero. E órganu aki ta aktivo for di novèmber 2018 den su konstelashon aktual. Despues ku e krísis di Corona a surgi i no por a biaha pa Boneiru, a pidi diputado Elvis Tjin-Asjoe pa temporalmente tuma e funshon di vicepresidente suplente. Durante e reunionnan presidí pa diputado Tjin-Asjoe, a forma dos grupo di trabou. Un grupo di trabou a atendé ku e medidanan di sosten i a duna input pa e kar-

ta ku e diálogonan sentral di Boneiru i Sint Eustatius a manda huntu, den kua a hasi e proposishonnan ku awor a keda honrá dor di gabinete hulandes. E di dos grupo di trabou ta traha riba senarionan di rekuperashon sosial i ekonómiko pa prepará pa reapertura di e isla.

Diálogo Sentral di Boneiru i “Central Dialogue” di St. Eustatius a proponé un prologashon di e medidanan di sosten te ku fin di e aña aki. Gabinete a disidí pa prolongá te ku 12 di òktober benidero, sinembargo Diálogo Sentral ta spera ku si e situashon ta rekerí esaki, lo por konsiderá pa alargá esaki ainda te fin di aña, dependiendo di e desaroyonan.

Forsa di kolaborashon

Tjin-Asjoe: “Danki na e bon koperashon i akshon desisivo den Diálogo Sentral nos a logra hasi un análisis rápido di tur medida i vosiferá e nesesidad di tantu empresanan komo sektor laboral den un forma konvisente. Nos ta kontentu ku gabinete a sigui nos proposishonnan. Esaki ta demonstrá un bes mas e forsa di e forma di kolaborashon aki.” Na nòmber di Diálogo Sentral e ta ekspresá e konfiansa ku e medidanan di sosten

lo kontribuí konkretamente na un start nobo i balansá

di aktividat ekonómiko, ora ku ta responsabel pa

habri Boneiru pa bishitante atrobe.

2250 alumno a risibí Buki di Prèt

KRALENDIJK – E siman nan ku ta tras di lomba a parti e asina yamá ‘Buki di prèt’ na tur skol básiko na Boneiru. Mustrando e buki di fakansi akí, muchanan ta haña deskuento pa aktividat- òf produktonan den tienda-, restaurant- i di klupnan di deporte ku ta partisipá. Den algun kaso por partisipá te asta pòrnada ora musta e Buki di prèt.

Diputado Nina den Heyer a entregá e promé Buki di prèt 2020 na un alumno di grupo 8 di Kolegio Kristu Bon Wardador. Despues e fiesta di partimentu di buki a ranka sali na tur e 9 skolan básiko di Boneiru. Finalmente alrededor di 2250 alumno den edat di 4 t/k 13 aña a risibí nan propio Buki di prèt.

Algu speshal tabata e ‘drive thru’ ku dos skol a organisá komo un eksperimento. Na Kolegio Strea Briante i Kolegio Rayo di Solo no a repartí e bukinnan di fakansi den e klasnan, pero a laga e klasnan pasa un pa un na un lokèt di Buki di prèt. Ku ayudo di entre otro Indebon Boneiru, a repartí sentenar di buki super rápido.

E imprenta a bin kai ariba despues ku e plachi di drùk a skùif un tiki. Pa e motibu akí den algun buki tin un par di blachi ku a prent un tiki skùin. Danki Dios por lesa tur kos si ainda, pero e no ta dje bunita ei. Lástimamente no tabata posibel mas pa logra haña un ehemplar koregí na tempu na Boneiru.

Awor tur mucha ta disponé di nan Buki di prèt. E fin di siman akí inskripsion pa aktividatnan ku ta rekerí reservashon di antemano ta habri. Lesa semper e kondishonnan di kada aktividat bon i sòru pa bo tene bo mes na instrukshonnan di e ofresedónan. Tin bia

por ehèmpel bo tin ku bisti sapatu será, ta rekerí un diploma di landamentu òf bo mayor-/mayornan di kriansa mester ta presente. Tur kos ta pará ei den.

Buki di prèt ta bálido di 3 di yüli i e último aktividat ta riba 16 di ougùstùs. Te na e momentunan akí ta parse ku tur kos por sigui normal, pero si por ehèmpel e situashon na Boneiru kambia pa motibu di e Coronavírus, e ora ei aktividat- of akshonnan den e Buki di prèt por kambia òf te asta kai afó. Keda semper na altura di e notisianan al respekto.

Pa mas informashon: www.bukidipret.com, òf [facebook/bukidipret](https://facebook.com/bukidipret).



Den problemátika na BOPEC

Gobièrnunan no por para ketu

KRALENDIJK -- Sindikatonan BPWU i FEDEBON, ku ta representá respetivamente trahadónan i staf di BOPEC, ta haña ku gobièrnunan di reino i lokal no por paga laga BOPEC sera su porta sin hasi nada.

Segun USIBO, e union sindikal di Boneiru, apesar ku BOPEC ta un kompania privá, motibu pa kua gobièrnunan ta kouteloso pa envolví nan mes, mirando e desaster sosial-ekonómiko ku un seramentu di BOPEC lo tin, gobièrnunan no por para na banda i mira e aktividat

ekonómiko aki muri. Sigur no awor ku ta enfrentando e krísis ekonómiko den turismo ku Covid-19 a kousa.

Na final di e atardi di informashon djaweps último a presentá un resolushon ku a keda akseptá unánimamente pa e presentenan. E desishon di e resolushon ta bisa.

Di duna mandato total na liderato di BPWU i FEDEBON pa

1. Hasi tur esfuerso posibel pa mantené BOPEC habrí i operashonal i asina salvaguardiá kuponan di

trabou i ekonomia di Boneiru.

2. Hasi tur esfuerso inkluso pasonan legal pa salvaguardiá interes di e trahadónan dado kaso e senario ku BOPEC lo por bai sera, presentá.

3. Mantené miembresia informá di desaroyonan pa punto 1 i 2.

Di akuerdo ku USIBO: "Gobièrnunan, esta esun di Boneiru i esun di Hlanda no por para na banda den e situashon aki. Nan mester hunga un ròl aktivo. Ta den

e kuadro aki, ku gezaghèber di Boneiru a asumí su responsabilidadat pa garantisá suministro di koriente i awa riba nos isla. Nos di USIBO ta apoyá gezaghèber den esaki. Meskos ku nos ta apresia ku tur ora su portanan ta habrí pa a skucha nos i kaminda e por ta di influensha pa logra kos, el a hasi esaki tambe."

USIBO ta splika mas aleu ku diputado Nina den Heyer a honra e atardi ku su presensia personal i a informá ku di parti di gobièrnun di Boneiru nan a instruí nan servisio sosial pa traha

riba un plan pa atendé ku e konsekuensianan sosial di un seramentu di BOPEC.

"Gobièrnun di Boneiru a akseptá un presentashon di un grupo di invershonista ku sindikatonan a presentá pa un posibel solushon pa tene BOPEC habrí. Pues nos ta refutá deklarashonnan ku lo a ataká gobièrnun den e situashon di BOPEC. Loke si nos ta insistí ku nos mester sigui traha huntu pa buska e solushon pa tene e kompania habrí", segun USIBO.

Fondo Mundial pa Naturalesa;

Sin kloaka rekuperashon di naturalesa BES no tin sentido

KRALENDIJK -- E plan di rekuperashon pa naturalesa na Boneiru, Sint Eustatius i Saba di minister Carolina Schouten (Agrikultura i Naturalesa), no tin ningun sentido tanten no tin un sistema di purifikashon di awa sushi riba e islanan. "Esei ta karga awa hiba laman", Kirsten Schuijt, direktor di Fondo Mundial pa Naturalesa (WNF) ta bisa, den un artíkulo den e korant hulandes Trouw. Den un artíkulo basta ekstenso di man di Joop Bouma, e korant ta duna atenshon na e situashon di naturalesa riba e islanan BES.

Sistema ekológiko desfavorabel

Minister Schouten kier reservá 7 mion euro adishonal pa drecha naturalesa i medioambiente na Hulanda Karibense, ku ta den basta

mal kondishon. Tweede Kamer a pidi e mandatario pa un plan di akshon pa salba e refnan tambe, pa motibu ku nan kondishon ta bayendo hopi atras. Si no intervení e koralnan eksepsional den Karibe lo sigui deteriorá.

Den un rapòrt ku gobièrnun hulandes a laga traha ta kalifiká e situashon di e sistema ekológiko i di e espesienan di mata i animal riba e islanan komo 'moderá te hopi desfavorabel'. Hulanda Karibense ta leu di ta kumpli ku e metanan di e tratado di Nashonnan Uní pa mantenshon di biodiversidat, ku Hulanda a firma 10 aña pasá.'

Sin sentido

E direktor di WNF ta haña ku mester di muchu mas ku 7 mion euro. E ta haña ku

e medidanan ku minister Schouten kier tuma práktikamente no tin sentido si e sistema di purifikashon di awa riba e islanan no ta no òrdu. Bonaire su sistema di purifikashon ta limitá i ta solamente kasnan banda di kosta ta konektá riba esaki. Saba i Sint-Eustatius no tin kloaka. Awa di yobida e tres islanan ta bai direktamente laman, di manera ku e parti ariba di suela, inkluso pupu di kabritu i buriku tambe ta resultá den olean. Kirsten Schuit kier pa pone

e sistema di purifikashon di awa sushi na mes nivel ku na munisipionan na Hulanda Oropeo.

Problemanan mas agudo

Djárason minister Schouten a kontestá miembronan di D'66 ku e no tin intenshon pa reservá mas plaka pa drecha naturalesa riba e islanan. E plaka ku tin awor ta pa e promé fase di e plan di rekuperashon, dirigí riba e problemanan mas agudo i riba e resulta-

donan mas prometededor pa rekuperashon di koral.

Segun Trouw, gezaghebber Edison Rijna ta di opinion ku e situashon ta ménos skur, ku WNF ta pint'é. "Playa tin un sistema di kloaka, nos ta hasi nos bèst", e ta bisa e korant. E ta atmití ku na otro partinan riba e isla awa sushi por bai laman via piedranan poroso i ku banda di esei e sistema bieu di dam pa tene awa di yobida no ta funshoná mas.

Lektura na ingles tokante Qabalah

KRALENDIJK --E organisashon di AMORC na Boneiru, esta e organisashon di rosakrusnan, ta organisá un lektura tokante Qabalah, bou di e título: 'Spiritualidat i Hustisia'. Ta trata di un serie skirbí spesialmente pa e Akademia di AMORC na Kòrsou. E lektura ta na Ingles, pasobra e akademia aki tin e ambishon pa alkansá henter region di Karibe. Asina Michiel Bijkerk di e organisashon di rosakrusnan AMORC na Boneiru ta duna di konosé. E presentashon ta riba 24 di yüni di 19.15or te 22.00or na 'Yogarriba', kunuku Seru Grandi 80. Qabalah no ta un doku-

mento históriko. E ta un método bibu y kresiente pa studia e Gran Deskonosí, esta e Mundu Spiritual. "E estudio aki nunca lo terminá, pero e ta yuda bo profundisá bo kompromementu di e último realidat, ku normalmente nos yama Dios", Bijkerk ta splika. E tin su rais den e religion hudiu i den e dos idiomanan sagrado di Mundu Oksidental, esta Hebreo i Griego. Bijkerk: "Sin embargo, e Qabalah ku nos ta introdusí den e serie di lektura aki, ta e vershon kristianisá. I durante e periodo largu ku a studia Qabalah den Oksidente kristian, el a wòrdu influensia dor

di alkemia islámiko i otro pensamentunan religioso di Medio Oriente i Oriente Lehano.

Kada persona tin su propio kompromementu di Dios. No tin dos persona ku ta pensa presis igual tokante dje. Ta p'esei Rosakrusnan semper ta dirigí nan mes na Dios di e siguiente forma: 'Dios di nos kurason, Dios di nos kompromementu'.

Pa interesadonan ku no sa na unda e kunuku ta keda, por reuní entre 18.45or i 19.00or na RBC Bank, for di unda lo sali huntu pa bai e kunuku. Por duna un kontribushon boluntario di 10 dòler

**Siña di bo
historia, kultura i naturalesa**

SINTONISÁ



Kanal 70 Telbo

Kanal 23 Flamingo TV

Entrante yüli benidero

TUI ta bin ku pasahero atrobe

KRALENDIJK – TUI ta bai kuminsá bula entrante yüli atrobe pa Kòrsou, Boneiru i Aruba. E kompania di aviashon hulandes ta reanudá su buelonan pa Kòrsou entrante 2 di yüli. Pa Boneiru ta sigui riba 9 di yüli i pa Aruba riba 11 di yüli.

Mas i mas destinashon pa vakashon ta habri atrobe pa turista, ounke frontera di mayoria destinashon lehanu ta keda será. Pero danki Dios na Kòrsou, Aruba i Boneiru si turistanan hulandes ta bonbiní entrante 1 di yüli benidero. Esei ta e motibu tambe TUI ta kuminsá su operashon pa e islanan akí.

Avion Dreamliner

Kòrsou, Boneiru i Aruba ta destinashonnan mashá stimá pa turistanan hulandes. TUI p'esei ta hopi kontentu ku ta habri e fron-

teranan atrobe na yüli i ku biaheronan por bishitá nan atrobe. Avionnan tipo Dreamliner di TUI ta kuminsá bula promé ku un frekuensia di tres bia pa siman pa Kòrsou entrante 2 di yüli. Bonaire for di 9 di yüli ta bin aserka ku un buelo pa siman i lo bula for di 11 di yüli, dos bes pa siman pa Aruba.

Arjan Kers, General Manager di TUI Nederland ta kontentu ku por biaha bai Antia atrobe: "TUI tin un historia di biahe largu i tin bon relashon ku e islanan. E ta motivá nos mas ainda pa bolbe kuminsá ku e operashon i duna e ekonomia lokal tambe un empuhe. Hopi habitante ta dependé di turismo, hopi empresario ta bon partner. Na mes momentu hulandesnan por bolbe disfrutá di e lugánan di fakansi favorito akí."

Siguridat garantisá

E islanan ta prepará, e akomodashonnan a tuma medidanan pa garantisá un estadia safe. Kòrsou, Aruba i Boneiru apénas a konosé infekshon di Corona i kier mantené esaki asina tambe. Biaheronan por move liber, pero mester tene kuenta si ku e reglanan lokal, manera ta e kaso na Hulanda tambe. Distansiamentu sosial ta keda aplikabel i esei ta nifiká ku mester tene dos meter di distansia. Tin protokòl- i medidanan kla deskribí ku ta garantisá siguridat di e habitante- i huéspednan.

Lo adaptá e buelo ku medidanan di siguridat apropiá, manera aprobá pa organisashonnan internashonal di aviashon i RIVM. Esei ta nifiká ku entre otro durante e buelo mester

bisti tapaboka. Por haña informashon mas detayá tokante tur medida riba e wèpsait di TUI, <https://www.tui.nl/corona-maatregelen/>. Konstantemente ta amplia e páginanan aki ku informashon fresku i 'up-to-date'.

Tèst di Corona gratis

Komo ku outoridatnan lokal i habitantenan kier tene e islanan liber di Corona, a introdusí un obligashon pa hasi un tèst aprobá di COVID-19, un asina yamá PCR-test. Mester laga hasi e tèst akí na Hulanda, 72 ora promé ku subi avion. E sertifikado di e resultado ku ta indiká ku e biahero a tèst negativo, ta un eksigensia pa por drenta e islanan. TUI ta ofresé tur biahero e tèst akí grátis te ku 31 di ougùstùs, inklu- so esnan ku solamente un pasashi. Ademas biahero-

nan ku ta bai Kòrsou ta risibí, den kolaborashon ku e sektor lokal di hotèl, CHATA, un bòn di krédito na balor di 40 euro pa persona. Nan ta risibí esaki na e akomodashon unda nan ta hospedá. Por gasta e krédito di resort aki den e hotèl pa por ehèmpel kuminda i bibida, un tratamentu di 'wellness' òf otro servisionan. Biaheronan ku biaha e zomer akí pa Kòrsou, Aruba òf Boneiru, ta risibí di TUI informashonnan mas detayá tokante e tèst.

Seguro di biahe

Biaheronan ku ta biaha pa e islanan mester por proba ku nan a sera un seguro di biahe. Un seguro di biahe sèmper ta un bon kos i afortunadamente ya ta algu komun pa mayoria biahero hulandes pa destinashonnan lehanu.

1 DEN 3!

Nos sa i ta komprondé ku situashon ta difísil pa hopi empresa debí na COVID-19. Esensial ta awor pa start bèk. Den e proseso aki promoshon ta importante.

Nos ta brinda oportunitat na preis spesial pa pone propaganda riba 3 diferente plataforma. Estilo di 1 den 3:



(Riba Telbo i Flamingo TV)

Bonaire Krant

UW EILAND, UW KRANT!

Yama

Bonaire Communication Services Company (BCS)
na telefon 717-8482 pa mas informashon.

Por manda e-mail tambe na
avisobon@gmail.com.

HESUS I E SIEGUNAN

Skritura: Juan 9

"I Jesus a bisa: "Pa huisio Mi a bin den e mundu aki, pa esnan ku no ta mira, por mira, i pa esnan ku ta mira, bira siegu." v.39 (BS)

Un seminarista hóben tabata den pèrtá dilanti di un ateo eksperensiá ku tabata molesti'é ku preguntanan pa konfundí. Diripiente a presentá un hòmer simpel, mayor di edat, ku umildat di un persona ku no tabatin muchu argumento pa un debate, a proponé pa yuda e estudiante ineksperto akí, bisando e ateo ku e úniko kontesta ku e ta disponé di dje ta, ku su orguyo a sieg'é. E relashon di Hesus ku e multitut, tabata provoká reakshonnan sorprendente. Miéntas ku algun tabata siguiÉ buskando solushon pa nan problemanan, otro tabata siguiÉ pa pon'É na prueba, ke mèn, nan tabata duda di djE. No ta importá si Kristu tabata siña bèrdatan inkuestionabel pa un bida bendishoná, si El a resusitá morto òf a kura hopi enfermo, Su kontrinkantenan semper tabata lanta sospecha i duda. Un bia Hesukristu a kura un siegu di nasementu i mesora un kantidat di pregunta a surgi, algun tokante e motibu ku e tabata siegu, otro si e tabata e mèsun hòmer ku tabata sinta pidi limosna òf si no ta trata di un gran mintira. Apesar ku e siegu saná tabata duna su tèstimonio, nan a lanta duda pa difamá Hesus. Evidensia no ta importante pa esnan ku tin nan mente siegá pa motibu di inkredulidat. E opositornan di Señor tabata siegu debí na nan arogansia. Maske nan a pensa di por wak mas leu ku otronan, difísilmente nan por a logra oumentá nan siegedat spiritual, miéntas ku pa su humildat, esun ku a mira a kere i a adorá Señor. Dirceu Amorim de Mendonça, España Pa medio di fe so nos por mira Kristu!

Saká for di: Alimento Pa E Alma, un produkshon di Trans World Radio Bonaire.



Nunka un hende por a tende sali for di mi boka ku mi ta histori- adó. Meskos ku nunka mi ta yama mi mes periodista, sino simple- mente un skirbidó di korant. Mi no a studia historia i mi no a studia periodismo, pero ta hasi loke mi kurason ta manda mi hasi. Loke si mi por bisa ta ku mi a skirbi i publiká mas ku kualké historiadó i periodista.

Importante ta, ora ku bo ke sa historia, ta pa lesa, skucha i opservá. Esei mi ta hasiendo. Tur dia mi ta tira bista den buki i otro publikashonnan ku tin di aber ku historia i kultura di Boneiru pa asina sa mas i mas. Semanalmente mi ta kologá na lep di nos grandinan pa skucha di nan eksperensia i nan storianan. Por lo ménos un bia pa siman mi ta drenta mondan di e isla aki pa eksplorá nos naturalesa.

Mas importante ta pa kompartí e konosementu ku bo ta haña. Ta loke mi ta trata na hasi atraves di programanan di radio, televishon, artíkulan den korant i buki. Tin bia mi mes no por kere ku mi tin masoménos 32 buki publiká te awor, di kua sigur 20 pa 25 asina ta bai tokante historia i kultura boneriano. E buki ku mi ta mas orguyoso di dje ta 'Pueblo di Kunuku Bleu', ku ta bai tokante e pueblo mas na mi kurason, Nort di Saliña, na unda raisnan di mi tata ta mará den suela.

Ami lo ta e último pa pretendé ku mi sa tur kos di historia, kultura i naturalesa di Boneiru. Pero mi sa hopi sí, un sabiduria optené di prin- cipalmente grandinan, kombiná ku lesamentu i mas lesamentu di buki- nan di historia, tambe algun inves- tigashon. Ta dje mi konosementu riba e terenonan aki ta bini i mi ta kompartí i sigui kompartí nan ku tur hende. Nada pues di tene kos pa mi so, hasi komo si fuera ta mi kos. Loke mi haña ta bai bèk na e fuente kaminda mi a hañé. Asina simpel e kos ta.

Naturalmente e trabounan aki, pa straño ku por parse, ta un sumpiña den wowo di un par di hende. Nan no por biba ku e echo ku un hòmer bobo, sin masha skol, ta skirbi di historia i kultura. Ta kos di historiadónan, doctorandus- nan, antropólogo i arkeologonan. Pero ya, nan tin ku sigui biba ku e realidat aki, pasobra ta asina ta i no otro. Mi no ta stòp por lo pronto. Morto so lo por pone mi stòp.

Famoso kantante rubiano a fayeré

Vicente Kelly su bos tabata bon konosí na Boneiru

KRALENDIJK -- Vicente Kelly, na bida kaba legen- dario kantante folklórico di Aruba, a fayeré den fin di siman. Vicente su bos ta- bata bon konosí na Bonei- ru, atraves specialmente di e emisora 'Voz di Bonaire' den pasado, tempu di gloria di Vicente. El a muri ku 69 aña, pasando su último di- anan na 'Huize Maristela'.

Vicente Kelly ta un le- gendario músiko i kompos- itor ku a nifiká hopi p'e kultura di Aruba. Konosí pa su forma úniko di toka ku akordeon el a alegrá hopi generashon. Su komposis-

honnan semper a hala at- enshon sea pa ilustrá su amor p'e isla di Aruba òf pa lettranan chistoso.

Vicente huntu ku su bandanan Los Juveniles, La Nueva Fuerza i Los Pimentosos pa vários gen- erashon a partisipá na vários festival i a toka na sentenâres di fiesta i kon- sierto. Den eksterior tam- be Vicente Kelly a sa di gana kurason di hopi ku su presentashonnan unda semper el a hiba Aruba su nòmber den su kurason. Entre otro el a yega di partisipá na Valledupar,



Colombia na festival- nan di akordeon, tokando música 'vallenato'.

Komo tata tambe Vi- cente tabata un hòmer ku semper a stima su yunan i a dediká tèmpo na kada un di nan talentonan. Vicente a kanta i graba

entre otro 'Santa Cruz', 'Polin tin Shete Buraku', 'Den skoch'i bo mama', 'Djaka den trampa', 'Kavel òf sin kavel' i hopi otro kansion ku a bira un ék- sito tantu na Aruba komo islanan Kòrsou i Boneiru.

Espasio aéreo BES será pa mas pais

KRALDIJK -- Espasio aéreo di islanan BES ta keda será pa mas pais te ku promé di yüli 2020. Ta hasi un eksepsion solamente pa buelonan di Sint Maarten, Kòrsou i Aruba. Esaki Min- ister di Infrastruktura Cora Van Nieuwenhuizen-Wi- jbenga i Minister di Salub- ridat Hugo De Jonge a skibi den un karta pa parlamento hulandes. No ta risibí niun

persona di Oropa, Reino Uní, Nort-Amérika, Sen- troamérica i Suramérica.

Mirando ku hopi pais di kontinente amerikano tin mas kaso di COVID-19, a di- sidí riba konseho di RIVM, pa ekspandé e lista di pais- nan for di kua no por bula bini Boneiru. Tur pais den Oropa tabata riba e lista akí kaba for di 14 di mart. Un medida ku a keda tumá pa

evitá ku e vírüs di corona ta drenta nos isla. E desishon pa tene espasio aéreo será ta nifiká ku te ku promé di yüli lo no tin buelonan turístiko pa Boneiru.

Mientrastantu Bo- neiru a prepará bon sí pa risibí turista atrobe. A pone kondishonnan pa tur ekstranhero ku kier bin pasa fakansi na Boneiru. Promé ku nan subi avion pa bin Boneiru, e turistanan mester entregá prueba di un tèst ku nan no tin CO- VID-19 na nan kompania di aviashon. E turistanan mes ta responsabel pa ku- bri gastunan médiko si nan bira malu. Dòkternan na Boneiru awor aki ta bon prepará pa si un òf mas kaso di COVID-19 presentá.

Karentena na kas

Un persona ku a bini for di Hulanda no tin nodi di bai den karentena. E tin ku keda 14 dia paden. E chèns ta chikitu ku un di e 'repatriantenan' ta malu, mirando ku e kantidat di kasonan di hende infektá ku e vírüs di corona na Hu- landa ta hopi abou. Perso- nanan ku tin síntoma por yama Salubridat Públiko pa hasi un tèst. Mientrastantu ku e persona aki no ta tosa òf tin síntoma, e no ta un peliger pa otronan ku ta biba kuné. E otro hende- nan den kas por bai traha i hasi kompra. Basta nan no haña síntoma. Den e grupo di personanan ku a regresá Boneiru siman pasá, e asi- na yamá repatriantenan, a tèst 11 pasahero ora nan a yega Boneiru. Niun di nan no tabatin e vírüs di coro- na. Promé ku fin di luna lo duna mas informashon kon ta bai atendé ku turistanan ora espasio aéreo habri 1 di yüli 2020.

Aruba

Te ku promé di yüli no tin nodi di hasi un tèst pa vírüs di corona ora ta bi- aha pa Aruba. Tampoko no tin mester di un seguro di biahe adishonal. Ta impor- tante pa no tin niun keho manera tosamentu òf prob- lema ku hala rosea, promé ku biaha. Bo mester ta por lo ménos 14 dia na Bonei- ru promé ku bai Aruba. Pa Kòrsou i Sint Maarten tam-

Florian Fast and Cleaning Service B.V.

se busca

1 tecnico en mantenimiento de superficie en marmol


-diploma, buena conducta y 2 años de experiencia.

Para mas inf. llama a 785-4986

Konforme boluntat di Dios i gradesido pa loke e la hasi i nifiká pa nos, nos ta partisipá fayerimentu di



Maritza Sint Jago Cuevas Feliz



su kasá: Rubert J Sint Jago
su yunan: Marisol, Dorcas, Raisa, Raquel, Rubert Johan.

Akto di entierro ta tuma lugá den seno familiar na Hulanda.

Tremendo ambiente dia di tata na Zòzò Ranch

KRALENDIJK--Selebrashon dia di tata, un ambiente tur afó manera ta bisa. Esaki tabata na Zòzò Ranch. Aparte di personanan individual, tabatin grupo tambe presente.



'Grupo Bon Ambiente' a selebrá dia di tata ku nan miembronan na e sitio ariba menshoná. Un otro grupo di famia ku tabata presente tabata Janga. Famia Janga di Westpunt Kòrsou a topa esnan di Boneiru.

Huntu tur presente a gosa di e dia animá pa e konosido Tony Trinidad i Brigrette Bradley.

Tene nos playanan limpi



èxtra
...number 1

www.extraboneiru.com



Un dia manera awe:
23 di yüni

- Na 1848 Antoine Joseph Sax a nase, inventor belga di e instrumento saksofon.

- Dia di trahadó den sektor públiko; Nashonnan uni a haña ta importante pa pone atenshon na e sektor aki. Awor mas ku nunca ku mundu ta den gara di Covid-19, por a mira ki importansia e grupo aki tin. Médikonan, polis, brantwer, hospital, kasnan di kuido, tur ta hendenan ku den e pandemia aki i ketu bai ta riska nan bida pa nos. Na desèmber 2002 durante asamblea general a konsiderá e fecha di awe komo dia di servisio públiko. Ta selebrá i duna rekonosimentu na trabou ku tur esnan enbolbí den e sektor aki ta hasi.

- Viuda; hopi be no ta para ketu na e grupo aki. Ora e pareha fayeré den mayoria kaso, i sigur den paisnan ménos desaroyá, e viuda ta enfrentá hopi reto i tambe problema pa por sigui ku su bida. I si no ta basta, e pandemia ku ta asotando mundu aktualmente tambe ta e kousa ku miles di hende muhé a bira viuda. Eksperiensia di pandemianan anterior manera HIV i ébola ta mostra kon duru bida di e viuda ta bira. Nan ta pèrdè derechi di herensia ku komo viuda nan tin derechi riba dje, ta kita propiedat for di nan i hasta mester soportá diskriminashon komo posibel kargadó di e malesa di kua nan esposo a fayeré. Tin aproksimadamente 258 mion viuda rònt mundu i 1 di kada 10 ta biba den pobresa. Ta kere ku e sifra aki ta muchu mas haltu ku loke ta kalkulá. Sigur ku e pandemia aktual ta kalkulá ku e sifra aki muchu mas. P'esei nashonnan uni ta urgi pa na momento ku un dama bira viuda, pa no bira lomba pe i despresi'è pero dun'e un man.

- Alan Turing a nase, matemátiko i pionero den teoria di kòmputa ku a inventá e 'Turing Machine'. 'Turing Machine' ta un di e modelonan mas importante den estudio di kòmputa.





Unda ku bo bira EZ AIR bo ta mira! Esun mas kumbiniente.

Nos ta bèk tur-tur!



EZ Air tin buelo diario entre Bonaire, Curaçao i Aruba


KAYA ITALIA 1, KRALENDIJK, BONAIRE • 717 1900 - 561 1900 • info@flyezair.com

Bishitá nos ofisina na Kaya Italia 1, Kralendijk pa kumpra bo pasashi pa Aruba òf Kòrsou òf bishitá nos' website: www.flyezair.com.

EZ Air
The Easiest Way to Fly

sigui nos  ez air

www.flyezair.com



CONGRATULATIONS TO
DR. DANIELLA BISSESSAR, MD

• UNIVERSITY OF LEIDEN •

Dushi tempu bieu



Hubert (Yubòt) Frans, persona markante den Rincon di ántes. (Kolekshon di foto Herbert Cesilia - FuHiKuBo)

Programanan di Bonaire.tv

Telbo kanal 70

Flamingo TV kanal 23

Djammers 23 Yüni

12:00 Herensia:

80 aña Lelia Nicolaas

13:00 Aki Statia:

Gershwin Lopes Parti 2

14:00 Herensia:

Eric Henriquez Parti 2

15:00 BAPA:

Albertson Dorothea i
Winfred Dania 'Doku'

16:00 Herensia:

Aletta Alexander

17:00 Aki Kòrsou:

Hugh Lopes

18:00 Herensia:

Marshe Magazina
di Rei 2017

19:00 BAPA:

Aimed Ayubi

20:00 Herensia:

Alvin Chacuto

21:00 Aki Boneiru:

Maria Goretti bewaar-
school Yufrou Duchi

22:00 Religion:

Adventista Antriol

23:30 Puerto Latino:

Luis Zárraga





Tur mèrdia 12'or ta kuminsá un programashon nobo di 4 ora.
E programashon aki ta ripití pa 24:00.

MONCHI & TONCHI

Tonchi, Baak tabata brabu ku nos hende hòmbèr machunan.

Awèl sí. Pero no lubidá ku tin mama kalakuna tambe. Òf nò?



Hendenan di Boneiru

POLI



Hipolito Casiano Winklaar a nase dia 13 di ougùstùs 1921 na Rincon. Su nòmber di kariño tabata Poli i e tabata biba na Rincon nr. 139a, ku ta keda den pabou.

Poli ta un persona ku durante su bida a move hopi den e region di Slagbaai.

Entre otro el a traha pa e kompania J.J. Debrot Succs., ku tabata doño di e anterior plantashi aki, na unda tabata produsí sentebibu, kima karbon i tambe kria kabritu, risibiendo na 1951 un sueldo di 20 florin pa siman.

Banda di traha riba e plantashi aki den e tempu ku e tabata yòn, Poli a piska tambe durante hopi aña na kosta nortwèst di Boneiru, saliendo for di Boka Slagbaai ku su boto. Ta asina ku e doñonan di Slagbaai tabata pèmití, bou di sierto kondishon, pa piskadónan rancha bou di e barankanan na e boka aki, na unda nan tabatin tambe nan botonan di rema, despues tambe motor. Un piskadó konosí durante hopi aña na Boka Slagbaai tabata Angenor (Djinò) Balentin.

Poli a traha den e periodo di 1953 pa 1965 na hopi okashon den e sistema di trabou temporario di gobièrnu pa por a kria su yunan, di kua e dos mayónan tabata Sergio (1945) i Marita (1948) Poli den su tempu tabata un bon futbolista. E tabata hunga den e ekipo 'Goede Hoop' di Tavio Sint Jago. Ta un hòmbèr ku tabatin hopi gol riba su nòmber. E kasá di Poli tambe tabata un persona hopi konosí: Olga Fransisca Cicilia. Por a konsiderá Olga komo un folklorista te den su higrá.

KOLOFÓN

Editor Extra-Boneiru i Boneriano
Bonaire Communication Services N.V.
Kaya Irlanda# 12, Tel. 717-8482
E-mail: extrabon@gmail.com
Wèpsait: www.extraboneiru.com

Direktor-hefe di redakshon

Bòi Antoin
786-6818

e-mail:
b.antoine.extra@gmail.com

Ko-direktor

Shirley Martis
785-3824 / 796-3824

e-mail:
shirleymartis2001@hotmail.com

Redakshon

Papi Antoin
(redakshon final)
Selular 700-0145

Ludovico Nicolaas
786-7978

Ibi Piar (deporte)
786-0200

Reportero-Fotógrafo Rincon

Crusita Thielman
796-1236

Aviso

Davienuska Janga
avisobon@gmail.com

Layout

Davienuska Janga
Yair Hormechea

Tim di dominó "Wasing Crue" a mira lus

KRALENDIJK--Djasabra último den oranan di atardi na Waxing Bar Restaurant na Nikiboko, e tim di dominó "Wasing Crue" a mira lus.

Un tim nobo di dominó di e área di Playa a mira lus ofisialmente djasabra último na Nikiboko.

Ta trata di e tim Wasing Crue ku a lanta ofisialmente na Waxing Bar Restaurant na Nikiboko.

E tim aki bou di guia

di sra. Andy Cadó, a keda fundá riba e falta ku ta hasi di timnan di dominó di Playa kompará ku timnan na Rincon di kua tur ta aktivo.

Na Playa kasi no ta tende mas di timnan di dominó.

Pa formalisá esaki, djasabra último Wasing Crue despues di a bendishoná nan unifòrm nobo na Waxing Bar Restaurant na Nikiboko, a hunga nan promé partido di dominó, momentu ku nan a topa ku Wa-

napa Crue den un partido di domino amistoso na kas di Ruman Cadó na Bario Wapana.

Den e partido aki ningun di e dos ekiponan no a baha kabes pa otro, e partido a finalisá den empate di 2-2.

A lanta e tim aki tratando na stimulá otro timnan di dominó na Playa pa bin bèk o lanta timnan nobo pa lanta e deporte aki di mente i mesa bèk na Playa.

Nos ta deseá e tim nobo

aki tur pero tur klase di ék-sito.

Riba potrètnan momentu ku e bendishoná e uniform nobo i tambe algun bista di e partido.



Bon Kuné di Fundashon Alzheimer posponé

KRALENDIJK -- Direktiva di Fundashon Alzheimer Bonaire (FAB) ta partisipá ku e 'Bon Kuné' pa rekoudá fondo ku lo a tuma lugá djasabra 20 di yüni benidero, a keda posponé. E aktividat popular akí awor lo sigui djasabra 18 di yüli próksimo. Respetando e medidanan relashoná ku COVID-19, FAB a disidí di posponé e aktividat akí. E Bon Kuné ta tuma lugá na e mesun sitio, esta Kompleho

Deportivo Jorge Nicolaas na Kaya Amsterdam.

Karchinan ta manera kustumber disponibel serka miembronan di direktiva i tambe serka e boluntarionan ku ta enkargá ku e aktividat aki. Naturalmente lo kumpli durante e aktividat aki ku tur e reglanan stipulá di distansia sosial, higiena etc. conforme rekomendashonnan di Coronasmart.

Direktiva di Funsashon Alzheimer Bonaire ta konsiente ki efekto Coronavírus tabatin durante henter e

periodo te awor riba e grupo núkleo ku e Fundashon ta sirbi. Tin un nesesidat grandi na fondo pa por kontinuá i realisá proyektonan pa por aliviá e situashon, ku tantu nos grandinan komo e personanan ku ta biba ku demensia ta pasando aden aktualmente. FAB ta gradisí e fanátikonan di Bon Kuné ku semper ta kumpra nan karchi na tempu pa asina demonstrá nan sosten na un bon kousa, pa nan koperashon i entusiasmo,.

Outo a dal den pal'i lus



Den e anochi di djabièrnè pa djasabra masomé nos 3or di mardugá un outo a dal den un pal'i lus riba Kaya Korona, na altura di Firgo's. Último tempu tin basta aksidente di tráfiiko den oranan di anochi riba Kaya Korona. Foto ta duna bista di e aksidente.

“E Médiko di pobernan” di Venezuela entre beatonan nobo

Ta trata di doktor Jose Gregorio Hernandez

En su oudiensiá con el Kardinal Angelo Becciu el Papa outorisá los dekretonan ku lo duna Iglesia kuater beato ku ta representá e kontinente suramerikano i Europa, ku su anhelo di serviso na esnan pover, na nashon i na hóbennan.

Vatican News

E Dekretonan anunsiá ayera pa e Kongregashon pa Kousanan di santunan ku outorisashon di Papa Francisco, lo hiba na beatifikashon tres Venerabel Sirbidónan di Dios ku a biba den siglo XIX, pa rekonosementu di un milager atribuí na nan interseshon.

Doktor i laiko di Venezuela

Iglesia di Venezuela, di Latinoamérica i di mundu ta alegrá pa e próximo beatifikashon di un di su yunan

mas sélebre. Ta trata di e laiko venezolano, José Gregorio Hernández Cisneros, ku a nase dia 26 di òktober 1864 na Isnotú, den e estado andino di Trujillo, i a fayesé na 1919 na Caracas despues di un aksidente di outo na edat di 54 aña. José tabata e promé di seis ruman. El a gradua den medisina na Caracas i a profundisá su estudionan na París, Berlín, Madrid, New York. El a kombertí den profesor universitario i científiko: e tabata un di e proménan den introdusí mikroskop den e pais i a funda e kátedra di bakteriologia den e universidat di e kapital venezolano. Un fe bibá tabata kompañ’é semper: pe medisina tabata un mishon, prinsipalmente pa esnan den mas nesesidat.

Hopi be e tabata kumpra remedi pa su pashèntnan i na lugá d pidi nan plaka pa e konsulta, e tabata duna nan. En bèrdat, den su Venezuela natal e ta konosí komo e “médiko di pobernan”.

José Gregorio tabatin un fuerte vokashon religioso: den un prinsipio e ke tabata religioso i a bai Italia na 1908, kaminda el a dreña den e komunidad di Certosa

di Farneta, den e provinsia di Lucca. Sin embargo, e meser a bolbe na kas pa rasonnan di salú. El a bolbe purba algun aña mas despues, kuminsando ku estudionan teológiko den e Kolegio Pío Latinoamerikano na Roma, pero el a bolbe bira malu. Asina, el a komprondé ku Dios tabata yamando e na e bida laikal, i a kombertí den Terciario Fransiskano, di

moda ku, manera san Francisco di Asís, el a rekonosé kara di Hesus den kada enfermo. El a trata e pashèntnan ku balentia durante e grip spañó. Riba 29 di yüni 1919, miéntras e tabata bai botika pa kumpra remedi pa un muhé ansiano, outo a dal e i el a ser hibá na hospital kaminda el a risibí Unshon di Enfermonan. E a muri bisando e palabranan akí: “O, Birgen Santu!”.

Algun pregunta fundamental tokante Beibel

Promé parti
Introdukshon

Pa kuminsá nos siñansa tokante Beibel, promé nos ta bai na eksaminá di serka algun aspekto ku tin di ber ku su orígen. Nos lo mira kiko ta Beibel, ken a skirbié, ki klase di personanan tabata su outornan, unda nan tabata biba. Den kua lugá nan a skirbié, kon tabata nan época, kua lenga nan tabata papia i utilisá, etc.

1. Kiko ta Beibel?

E ta un pregunta masha simpel. Pero si nos purba na kontest’é nos lo por duna hopi kontesta inkompleto. Laga nos mira algun ku hendenan ta duna:

- E ta un buki sagrado ku tin Dios pa outor prinsipal.
- E ta un buki sagrado ku ta siña e kaminda di salbas-hon.
- E ta un buki ku ta kontené kontestanan na tur nos preguntanan.
- E ta un ensiklopedia religioso.

Kua ta su propio kontesta? Awor nos ke ofresé bo e definishon ku nos a tuma di Konsilio Vatikano II: **Beibel ta un konhunto di bukinan skirbí pa inspirashon di Spiritu Santu i komo tal a ser konfiá na Iglesia.**

Beibel ta un konhunto di bukinan pasobra den dje nos por haña Historia di un pueblo skohé i liberá pa Dios. Pa ta un buki inspirá pa Spiritu Santu e ta Palabra di Dios pa nos i ta iluminá nos bida awe.

2. Kua ta e nòmbernan duná na Beibel?

a. “Beibel”

E palabra aki ta bini di

griego i ta nifiká “Buki”. E ta bini di un siudat yamá Biblos, kaminda ta fabriká e papiro pa traha papel di bukinan. Orígen di e término ta bai bèk na e di dos buki di Makabeonan (2 Mak 8,23), den kua ta yama Skrituranan “Biblia te agia”, den lenga griego, ke men “bukinan santu”.

b. “Skritura”

Ta bini di “skirbi”. Ta denominá asina pa ta e mensahe òf Palabra di Dios ku ta permanesé skirbí. Hesus mes, na ora di rechasá tentashonnan, a usa e ekspreshon, “Ta skirbí” (Mt 4,4).

c. “Tèstament”

E di tres nòmber ku ta duna Beibel ta esun di “tèstament”. (2 Kor 3,14). Ta splika e nòmber aki apliká na Beibel di dos manera:

- Asina manera un tèstament ta un eskrito legal den kua ta hasi un promesa pa laga biennan pa yunan i demas famia, asina tambe Beibel ta un Promesa ku Dios ta hasi por eskrito. E promesa grandi akí ta seyá den Tèstament Nobo, pa e sanger mes di Hesus Kristu.
- E palabra kasteyano “testamento” ta bini di e palabra latin “testamentum”, ku ta korespondé na e palabra griego “diazeque” i e palabra hebreo “berit”. Pues, e palabranan akí ta nifiká: pakto, aliansa, konvenio, kontrato. Asina ku e Palabra di Dios ta e Pakto òf Aliansa di Dios ku hòmbenan i muhénan.

3. Ken a skirbi Beibel?


No tabata u solo persona kende a skirbi Beibel. Hopi hende a duna nan kolaborashon: agrikultornan, piskadónan, obreronan di

distinto profeshon; hende kulto ku tabata sa lesa i skirbi, i hende simpel ku únika-mente tabata sa konta historianan; hende biahero i hende ku nunka a sali di nan kas; saserdotenan, profetan- an, reinan, pastornan, histori- adónan, poetanan, mu- hénan, apóstolnan i evange- listanan.

Entre e outornan di Tèstament Bieu mester destaká historiadónan, profetan- an i sabionan. Historiadónan a rekohe tradishonnan i leyen- danan ku nan a risibí di e memoria di e pueblo i a bai ta uniendo, kompletando òf kòrtando nan. Profetan- an no a skirbi hopi; nan, prinsipal- mente, tabata komuniká i in- terpretá e Palabra di Dios tumando na cuenta e momen- to ku nan tabata biba. Nan sekretarionan, alumnonan i siguidónan tabata skirbi nan mensahe i biografia. Sabio- nan tabata rekompiladónan di e sabiduria popular i di e reflekshon tokante e bida di- ario.

Na nivel di Tèstament Nobo nos por destaká e evangelistanan i apóstolnan. E evangelistanan, ku tabata kuater, a skirbi testimonio di e bida i obra di Hesus. Nan ta: Markes, Mateo, Lukas i Huan. Papiando di apóstel- nan mester menshoná Pab- lo, ku a skirbi vários karta. Manera nos por mira, tabata hendenan di tur klase sosial, pero tur uní pa e mesun pre- okupashon pa konstruí un Pueblo di Dios, den kua lo a renasé fe i hustisia, amor i fraternidat, bèrdat i fidelidat, i den kua no tabatin opresor- nan ni esnan oprímí.

Ta kontinuá otro siman



Religion na Boneiru 13



Mantenshon di Kèrki

Na 1863 a tuma lugá trabounan di reparashon integral na Kèrki. Pa kubri e gastunan aki Sínodo Reformá i gobièrnu kada un a pone fl.500,-- disponibel. Tabata durante e trabounan aki ku a pone e torno original di palu pa promé bes riba e muraya nort di e edifisio.

E relato anual di 1867 ta mostra ku un parti konsiderabel di komunidad di protestantnan na Boneiru ta konsistí di ámtenarnan i nan famia, viuda di ámtenarnan i tambe un grupo di penshonado.

Domi Laret den e relato anual aki ta reklamá e espíritu a-religioso i di libertinahe ku a yega Boneiru for di Kòrsou. Promé ku el a yega Boneiru e espíritu aki tabata alimentá dor di lesamentu i distribushon di buki i otro lekturanan sagrado i religioso, manera 'Dageraad' i otronan. Na 1864 konseho di iglesia tambe ta ekspresá mesun preokupashon ku Domi Laret, esta ku e forma kon protestantnan ta atendé ku nan religion i sentido kristian ta laga hopi di deseá na Boneiru. Pero na momentu ku Laret no tabata na Boneiru mas, por nota ku e tono di konseho di iglesia a kambia, pasobra nan ta te asta protestá kontra e ekspreshonnan hasí pa Domi Laret. Te asta nan ta lamentá loke Laret a ekspresá, mostrando ku Laret a ofendé nan iglesia ruman na Kòrsou, konsiderando ku no ta nan ta saka e publikashonnan menshoná.

Atrobe Meinhardt

Despues ku Domi Laret a bai for di Boneiru, Meinhardt a bolbe tuma su tarea, miéntras ku na momentu di boutismo i selebrashon di Último Sena, un domi tabata bini for di Kòrsou. Na 1878 esaki a sosodé tres bia. E dominan aki tabata G.J. Simons i J.P. Englerts.

Na 1877 un orkan feros a pasa riba Boneiru i esaki a kousa daño tambe na Kèrki. Bientunan di e orkan a ranka tur e tralinan di palu for di e kurá. E muraya parti abou di e kurá tambe a basha den otro na sierto parti. Gobièrnu a duna 300 florin pa hasi e reparashonnan nesario.

Desde yanüari 1878 por nota ku sr. M.L. Statius van Eps ta kuminsá ehersé e funshon di maestro di katisashi. Miéntras ku te na e momentu ei e bishitanan na sirbishi den Kèrki tabata hopi moderá, ku binida di Statius van Eps aparentemente mas hende a kuminsá ta haña kaminda pa Kèrki.

Mientrastantu Domi Englerts ta muri na Kòrsou. E tabata un di e dominan ku tabata bishitá Boneiru regularmente den e periodo ku no tabatin domi fast na Boneiru. A bin eksistí un vakatura pa tempu largu na Kòrsou, di manera ku esaki tabata afektá tambe e bishitanan di domi na Boneiru. Ta un domi so tabatin na Kòrsou i e no por a biaha regularmente pa e isla aki.

Ménos miembro

Na 1878 ta kumpra un òrgel pa Kèrki. Miembro di iglesia M.D. Fock van Coppelaar, e tempu ei dòkter di gobièrnu na Boneiru, tabata toka e òrgel aki. Komunidad Protestant (Protestantse Gemeente) hopi bia tabata denominá tambe komo Komunidad Protestant Uní (Verenigde Protestantse Gemeente), anke ku e no tabata eksistí tempu ku e iglesianan Lutheran i Reformá a uni na 1824 riba e isla Kòrsou. Komunidad Protestant di Boneiru tabata gosa di supsidio di e sínodo general na Hulanda. Na 1878 a risibí 300 florin, na 1882 500 florin, ademas 25 beibel i 25 buki di kantika.

No opstante ku e bishitanan di sirbishi a oumentá den e tempu ei, e kantidat di miembro si a bai atras. Na 1879 tabatin 139 miembro notá. Segun un karta di 23 di mei 1881, esaki no tabata straño, mirando e echo ku no tabatin un domi fast na Boneiru. Esaki miéntras ku Roma (Iglesia Katóliko Romano) si tabata hopi aktivo ku su propagandan pa gana mas alma.

Den e periodo ei por nota ku diferente protestant na Boneiru a kambia di religion i a bira katóliko. Pero tabatin kaso tambe kaminda katólikonan a bira protestant. Na 1881 mes por nota ku un famia di 13 persona katóliko a bira protestant.

Komo ku M.L. Statius van Eps a keda nombrá na 1882 komo gezaaghebber di Saba, e mester a tuma retiru komo maestro di katisashi. A nombra e ora ei atrobe W.F. Meinhardt, pa



Gobernador Nicolaas van den Brandhof.

di tres bia, komo maestro di katisashi. Pero el a pidi pa eksoneré di tenementu di sirbishinan religioso. Asina pues e sirbishinan religioso na Kèrki a para completamente.

Sin domi

Na 1882 Domi J.A. Tydeman di Kòrsou ta bishitá Boneiru na dos okashon, kada bes kedando kuater pa sinku dia. Durante e bishitanan aki sinembargo el a tene solamente un predikashi na Boneiru. No tabatin boutismo ni selebrashon di Último Sena e aña ei.

Riba petishon di konseho di iglesia, relashoná ku esaki, gobièrnu a bin stipulá ku dominan di Kòrsou mester realisá anualmente dos biahe pa Boneiru i ku nan ta obligá di permanesé riba e isla por lo ménos dieskuater dia, inkluyendo dos djadumingu. Pa un bishita asina e domi ta risibí 300 florin. E areglo aki a dreña na vigor na aña 1883. Mientrastantu konseho di iglesia a dirigí su mes na sínodo ku e petishon pa Boneiru por a bolbe haña un domi fast, komo ku e situashon di e komunidad protestant di e isla tabata laga hopi di deseá. Te asta konseho di iglesia a mostra ku si e asuntunan aki sigui bai asina, pronto lamentablemente protestantismo na Boneiru lo pertenesé na pasado.

E intentonan sinembargo pa Boneiru haña un domi permanente a

keda por lo pronto sin resultado. Si ta asina ku komunidad protestant a risibí sosten finansiero pa restorashon di Kèrki. Na 1883 e restorashon aki a tuma lugá i a traha un prekstul. Algun skreinwërker, karpinté fini, di Boneiru mes a traha e prekstul bunita aki, ku a keda den Kèrki te masoméno 40 aña pasá. Na momentu ku Domi Eggink tabata na Boneiru i a restorá e edifisio, a deshasí di e prekstul aki pa a pone un moderno na su lugá.

Petishon pa kas

Na 1886 konseho di iglesia a dirigí un petishon na Gobernador Nicolaas van den Brandhof pa gobièrnu kumpra un kas na unda e domi ku ta bishitá Boneiru por keda durante su estadia riba e isla. Gobernador a rechasá e petishon aki.

Pero konseho di iglesia a keda insistí i na 1887 ta manda otro karta pa Gobernador Van den Brandhof, den kua nan ta mostra riba e echo ku nan no por haña un kas pa domi. Entre otro konseho di iglesia ta mostra gobernador kon den un pueblo chikitu manera Rincon tin un pastor katóliko stashoná, risibiendo pa aña un salario di 1.200 florin serka gobièrnu. Esaki siendo ku kasi tur ámtenar i tambe mayoria di hendenan prominente di Boneiru ta protestant. E konseho di iglesia ta mostra ku nan tin derecho pa risibí por lo ménos un trato igual ku Iglesia Katóliko.

E argumentu ku konseho di iglesia protestant a usa den e karta aki pa Gobernador Van den Brandhof no tabata korekto, komo ku mester a tene kuenta ku den e parokia di Rincon so tabatin e tempu ei riba 1.500 katóliko, miéntras ku pa henter Boneiru tabatin solamente 150 protestant.

Atrobe Gobernador Van den Brandhof a rechasá e petishon di konseho di iglesia protestant. Pero a logra si awor ku e dominan protestant di Kòrsou por a bishitá Boneiru kuater bes pa aña. Durante kada bishita e domi mester a keda traha por lo ménos 14 dia riba e isla.

Di aña 1887 te 1889 Domi J.F. Hamelberg, tata di e konosido historiador J.H.J. Hamelberg, tabata enkargá ku Boneiru. Pero na 1889 Domi Hamelberg a bai Hulanda debí na enfermedat. Desde 1 di yanüari 1890 te ougùstùs 1892, un periodo di mas ku dos aña i mei, solamente un bia un domi a bishitá Boneiru.

Segun enkuesta online di Linkels & Partners

Gran mayoria satisfecho ku aktual Kolegio Ehekutivo

Kralendijk – Mayoria persona ku a partisipá na un enkuesta online ta bisa di ta satisfecho ku e aktual Kolegio Ehekutivo, formá pa Movimentu di Pueblo Boneriano (MPB) i Union Patriótiko Boneruano (UPB). In total 43 porshento di e respondentenan ta bisa di ta satisfecho, 29 porshento ta bisa ku nan no ta satisfecho, ni malkontento. 28 porshento ta deskribí nan mes komo malkontento. E ofisina di consultant Linkels & Partners, huntu ku e sait di notisia online, Bonaire.nu, a tene e enkuesta polítiko akí. Ounke ku aki aya tabatin remarkenan krítiko, mayoria ta bisa di ta satisfecho ku e aktual Kolegio Ehekutivo, sigur ora ta trata kon a manehá e krísis di Corona.

Corona

Ora ta trata di e manera kon gobièrnu lokal a atendé e krísis di Corona, e ora ei e satisfakshon ta mas grandi ainda. Den e kaso ei ei 66 porshento di esnan ku a kontestá ta bisa di ta kontentu. Di esakinan 42.5 porshento ta satisfecho i 23.2 porshento, hopi kontentu. Di nan 15,4 porshento ta kontestá ku nan ta neutral, 10.1 porshento a duna di konosé ku nan ta malkontentu i 8.9 porshento hopi malkontentu.

Den komentaronan positivo tokante kon a manehá e krísis di Corona ta duna e echo ku a skohe pa medidanan drástiko (seramentu di e espasio aéreo). Tambe a eksperensia e komunikashon, despues di un ko-

mienso un poko bruá, komo positivo, partikularmente despues ku a embolí e sekshon di Komunikashon di RCN. Tambe kompará ku otro islanan, for di komienso a aktua rápido.

Puntonan ku por a bai mihó ta entre otro e komunikashon na inisio ku tabata bruá i tin bia te asta kontradiktorio. Tambe a indiká ku gobièrnu mester tabata mas transparente tokante e promé kaso positivo. Otro opinion ta ku Kolegio Ehekutivo i gezaghebber a laga nan ser guiá muchu dor di Hulanda i RIVM.

Hopi di e asina yamá repatriantenan ta sinti ku Kolegio Ehekutivo i partikularmente gezaghebber a laga nan na kaya.

Hulanda

Esnan ku a kontestá ta satisfecho tambe ora ta trata e medidanan di emergencia ku a keda publiká huntu ku kolegio ehekutivo pa e islanan BES. Ta trata di partikularmente e ayudo pa kompanianan ku a keda afektá pa motibu ku nan volúmen di benta a kai afó, por paga sueldunan i e yudansa finansiero un solo bia di ministerio di Asuntunan Ekonómiko, ku kompanianan tabatin derechi riba dje..

Intento pa influensia

En total a yena e enkuesta online enquête di Bonaire.nu i Linkels & Partners 1043 bia den e periodo di 13 te ku 19 di yüni 2020. Un kantidat relativamente

grandi di e enkuestanan yená a keda rekonosé dor di e software apliká komo 'ménos konfiabel òf inkonfiabel'. Ta bai pa e enkuestanan ku a tuma muchu mas tempu pa yena ku e tempu promedio, e lapso di tempu den kua a yena e enkuestanan i patronchinan sospechoso di duna kontesta.

Despues ku sikólogoan di Linkels & Partners a hasi un análisis mas detayá di kada un di e 1043, a kalifiká 387 di e enkuestanan yená komo no sufisiente konfiabel i a saka esakinan afó. Ta parse ku en todo kaso 377 enkuesta a ser yená dor di sierto grupo polítiko debí na eksakamente e mes kontesta òf kontestanan ku ta koincidí fuertemente.

Al Catafulmo a papia ku diputado Tjin Asjoe

Burikunan mester keda den mondi

KRALENDIJK – Al Catafulmo ta insistí ku e burikunan di Boneiru mester keda biba den nan habitat natural, manera semper tabata e kaso, pues den mondinan di e isla aki. Algun dia pasá diputado Elvis Tjin Asjoe a tuma tempu pa skucha Al Catafulmo, dirigente di Bonaire Donkey Protection League Foundation, kende a eksponé su ideanan pa

loke ta trata burikunan di e isla.

Catafulmo, un residente boneriano pa sigur 50 aña kaba, aktivo den sektor di buseo, tin añanan kaba ta luchando pa bienestar di e burikunan boneriano. Tur e añanan aki e ta risibiendo hopi oposishon i resistencia for di loke bo por yama 'establishment'. No opstan-

te esaki Catafulmo ta sigui ku su lucha, sostené entre otro pa Michael Obersi i algun otro persona.

Al Catafulmo a splika diputado Elvis Tjin Asjoe ku e ta sinti hopi doló ora ku e mira kon e burikunan ta biba den e santuario a lo largu di Kaya ir. Randolph Statius van Eps. No ta e manera pa trata ku bestia.

Ademas ta asina ku e kampana ku e fundashon ei a bini kuné algun aña pasá pa kue buriku, den konteksto pa kapa òf sterilisá nan, ku e meta pa kontrolá e situashon, no a logra.

Catafulmo: "Al contrario. E forma ku a hiba e akshon ei a krea un desbalanse ekológiko i desigualdad grandi entre e kantidat die burikunan machu i e muhénan. Esei tin nos fundashon preokupá."

Al Catafulmo ta boga pa e burikunan aki keda den nan teritorionan. Loke ta pone nan bini den área residencial ta falta di awa i kuminsa. Catafulmo i su grupo p'esei tin algun tempu kaba ta sòru pa tin awa disponibel pa e animalnan aki den mondi, evitando asina ku nan mester área residencial pa haña awa.

"Un buriku por keda tres

pa kuater dia sin bebe awa. Nos ta trahando riba un trùk ku mester bai transportá awa pa sierto sitionan unda tin baki pa e burikunan por bebe. Tambe nos por manehá pa nan haña awa na e posnan eksistente ku tin molina. Pa kuminda tambe nos tin un fórmula", Al Catafulmo a splika e diputado.

Mas aleu Al Catafulmo a papia di e área di Labra i Brasil na unda lo por konsentrá e burikunan. Esaki ta leu for di e kareteranan prinsipal na unda nan por move i kousa aksidente di tráfico.

Importante Al Catafulmo i su grupo ta haña pa monitòr e populashon di buriku ku ta kana liber. Aki e ke embolí gruponan di 'scouting'. Nan lo haña un treinen pa hasi esaki serka eksperstonan.

